

# መቃብላት ርኢሰ ኢሳይያስ አፈወርቂ ሰነት 2021

ርኢሰ ኢሳይያስ አፈወርቂ፣ ዲብ ሶም 17 ፊብረዋሪ 2021 ዲብ ሓድረት ሓላት ዐድ ወመንጠቀትን ለረከዘት መቃብላት ዋዲ ክም ዐለ እብ ፊድዮ ክርን ገቢል ወተለፍዝዮን ኤረትርዮ ሳምዓመ ዐልኩም። እቲ ሰነት 2020 ገሸለት ዐደዮ ኮርን ሻይረሰ እብ ደረጀት ዐለም አራዌሕ አዳም ብዙሕ ለፈነ ዲቤ ወክም መደረቱ ህዩ ሀጎጋይ እቅትሳድ ለትረኣ ዲብ ሰነት ዐለት። እት ረኣሰ እቢ መሻክል እቢ መ። ዲብ መንጠቀትን ወእብ ፍንቱይ ዲብ አቶብዮ፣ ህንዲዶ ክራም ወያኔ ለሰበዩ ሐርብ ዲብ ርሽመቱ ለበጽሐ እተ ሓላት ሳይፈት። ከናይ ሶም መቃብላት እትሊ ቅደይ ወብዕድ ለረከዘ ሰኣላት እግል ልትቀደምቱ። በኩት ሰበት ሀብክን እብ ሰሜት መተንሰዮት ወመተቅብላት እንዴ ነሐምደክ እብ ቀድያት መንጠቀትን እግል ነአምብት።

ሰኣል= ዲብ ሰልፋይት ሳምን ወሬሕ 12-2020፣ ዲብ አቅሊም ትግራይ እብ ክራም ወያኔ ለትነሰኣት እንዴ አትሀመልክ ለትበገሰት ምስዳር፣ ሐርብ ወካቲማላ ክራም ወልደት። ከእቢ ተዩልል እቢ መርበዩ ወፍገራቱ ዲብ አቶብዮ ሚ እግል ልግበእ ቀድር? ወመደረቱ ዲብ መንጠቀትን ወእብ ፍንቱይ ዲብ ሰላም ወመዓወነት ክለ ለመንጠቀት ልግበእ ወዲብ ዕላቀት ኤረትርዮ ወአቶብዮ ከአፎ ልትጌመም?

ርኢሰ = “እንዴ ካፈልነ እግል ንርአዩ፣ ዲብ አቶብዮ ናይ ተሰዩሕ ምስዳር እግል ትትነሰኣ ክም አንበተት። እብ ፍንቱይ እብ ርኢሰ ወዘረእ አቶብዮ አቢ አሕመድ፣ እብ ክሱሰለ ምስዳር ኤረትርዮ ዕላቀት ሰኔት፣ ሰላም፣ መዓወነት፣ ሕሽመት ሕድ ወፈተ ክም ለሐዘ ለትሸሬሕ ምስዳር እግል ኖሰ መርሐለት ለትጠልቡ ክም ተቅዩር ሰኔቱ ለነሐሰበ። ለጋሪት እብ ቁሪነ እግል ትትፈሀም። ዲብ እቢ አዳም እግል ልትጸበሩ ወልፈክር ዲብ ለኢቀድር ህንዲዶ ምስዳራት ብቅት ለአብጸሐ ሰብብ ሚቱ። ለልብል ሰኣል እግል ለሀሌ ላዝምቱ። እቢ አዋጅ እቢ ክም ተአወጀ፣ ለዲብ ክልኢቱ ሸዑብለ ድወል ለዐለ ሸዑር ወፈርሐት፣ ሰላም ትመደደት፣ ሰአዩት ለለሀይብ መስተቅበል ሀሌ፣ እንዴ ትረዩሕነ እብ ሰላም እግል ንምበርቱ፣ ዲብ ዐማር እቢ ወእቢ ምስዳራት እግል ንንሰኣቱ ለልብል ወብዕድ ሸዑር ትክለቀ። እለ ትምኔት እለ ቀደምለ ወቅት ለሀይ አዐለት ለበሀለት ኢኮን። እቢ ተዩልል እቢ ላኪን፣ እግል ዲብ አቶብዮ ለዐለ ክራም ወያኔ፣ ለትልህዩ ቁማር ክም አክተመት ለለአክድ ዐለ። እለን ለሐልፈዩ ክልኤ ሰነት፣ እት ቀበትለ ክራም ናይ መትብጭባጭ ዐቅል ወዐሎባጥ ተዩልል ክልቀዩ። እት ፍንጌ ኤረትርዮ ወአቶብዮ እግል ትትክለቅ ለትቀድር ዕላቀት ሰላም ወመዓወነት ሕድ፣ ወዲብ እለ መንጠቀትን ለተሀሌ እግል ሰአዩት ሰኔት፣ እት ቀበትለ ክራም ወመናቢቱ ሸቀላት ክልቀት። ቅብላት እቢ ተዩልል እቢ ላኪን፣ መት-ዳላይ እግል ሐርብ አንበተ ሌጠ እንዴ ኢጉብእ፣ ዲብ ለትወቀለት ርሽመቱ በጽሐ። እትሊ ወቅት እቢ ሕነ ምን ቃብል ነአተቅብል ዐልነ።

ርኢሰ ወዘረእ አቢ፣ እግል እብ እድንያይት መሕመት ለትፈረደ ፍርድ ንትክብቱ ወሰላም ወመዓወነት ነሐዜ ክም ቤሌ፣ ዲብ ወቅት ለሀይ፣ ሶም 20 ጁን፣ አምዕል ዝክረት ሹሀዳእ መናሰበት ለትቀደመ ሸሬሕ፣ እግል ክራም ብሕተ ለሻቀለ፣ ወለ ክም መሰምሰ ወቅማር በደ ልትነፈዕ እቡ ለጸንሐ ከርት አክይ-መቅሬሕ ሕዱድ፣ እትለ ደረጀት እለ በጽሐ፣ ዐሎባጥ፣ መትብጭባጭ ዐቅል ወአክይ-መቅሬሕ ሰዩሰት ክልቀ። ሕነ ብዙሕ ኢሸፈግነ ዲቡ። ባድሚ ትግበእ ወአካናት ብዕድ እብ ሐድ-ሐድ እግል ነዐሬቡ እንቀድር። ለዐቤት ጋሪት ላኪን፣ ለዲብ አቶብዮ ለሀሌት ሓላት ሓድረት።

ሰአየት ለለሀይብ መርበይ እግል ትጽባዎ ሰበት ወጅቤ፤ እሊ መርበይ እሊ እግል ነአደቅብ ወንሰዴ ብኑ፤ ለናይ ሕዱድ ቅድየትነ ሐል ረክበት ወኢረክበት እንዴ እምቤ እብ ሻፍገት ለንትሃጌቡ ሰበት ኢኮን። ሰላም መስተቅበል ሰበት ትክሰኑ፤ ለተየልል ወመርበይ ሄራሩ ወተጠውራቱ እብ ከህላት እግል ንርአዩ ሐሬኑ። እሊ ክሉቅ ለዐለ ተየልል ህዩ። እብ መብደእ ወእብ ፍዕል እግል ንሰደዩ እብ ክለ ሐለትነ እግል ንክድም አንበትነ። ድድ እሊ መብደእ እሊ ላኪን፤ ከሊቅ መታክል ወመሐልኪት፤ ለምርካብ ሰላም ወመዓወነት ለአመመ ምሰዳራት ለለዐንቅፍ፤ ወእብ ዐቢሁ ህዩ መትዳላይ እግል ሐርብ ደማር መጽአ። እሊ እብ ድጉል ወእብ ዛህር እግል ሐርብ ገብእ ለዐለ መትዳላይ፤ ምን ቅሩብ እንርእዩ፤ እንሰምዑ ወእንራቅቡ ዐል። እብ ጀህት ፊድራልየት ሕኩመት አቶብያመ፤ ለመራቀበት ኢዐለት እግል ኒበል ይእንቀድር።

ርኢስ ውዘረእ አቤ፤ ምን ንዩት ሰኔት ወትምኔት ፈዓልየትለ እግል ትትበጸሕ ለለሐዜ ደረጀት መስተቅበል ለትበገሰ አፍካር ብዙሕ ቀድም። እብ ጀህትነ ህዩ እብ ሰብር ወከህላት ለእንርእዩ ቀድያት ሰበት ህለ፤ ምስለ ለሐልፈት ተጅርበትነ እንዴ ቃረን፤ ኩሉ ለተየልል እብ ህዱእ ወሰብር እግል ንርአዩ ብኑ ድኢኮን፤ ምሰዳራት ሻፍግ እግል ንንሰእ አሉብኑ ለልብል መብደእ ሳብት ዐለ እግል። ለዕላቅት ወገባይ ሄራረ እግል አዋፈሐት ወአደቀቦት፤ እብ ሕዱድ ግብለት ዐድነ ሸንክት ዐሰብ፤ እብ ዛል-አምበሰ፤ እብ እም-ሐጀር ወብዕድ አካናት ፈቴሕ ናይለ ሕዱድ፤ እግል ክልቅት ለህሌት ሓለት ሓድረት እግል ለአተርደ ወፈዓልየትለ ረአሰ ቀደም ክም ተአሳድር እግል ልሰደየ ቀድር፤ ምን ለልብል ህደፍ እንዴ ትበገሰ፤ ምሰዳራት ፈቴሕ ሕዱድ ትነሰአ። እትሊ አውቃት እሊ አቤ ክል-ዶል፡ “ደብረጽዮን አፎ ኢትረክቡ” ልብለኒ ዐለ። አነ ላኪን፤ ረኪብ ደብረጽዮን በዐል ምግብመ ይሐዜ እግል ላኪን፤ ለእርእዩ ወእራቅቡ ብዙሕ ሰበት ህለ፤ እሰልፍ ለህሌት ሓለት ገባይ ጣፍሐት ንቅፈር እግል ወነአዋዕመ። ሐቆሁ እግል ንትዋጀህ እንቀድር እቤ።

እት ቀበት እሊ ተየልል እሊ፤ ፍተን፤ ቀሳቃስ ነዐር ወፈንጨጋር፤ ሐብክ መሐለኪት፤ ከሊቅ መታክል፤ አማን ለአለቡ ረበርብ ደዓያት፤ ወመትዳላይ እግል ሐርብ እት ልትደቀብ መጽአ። ለሕዱድ ዛል-አምበሰ ለፈታሕነ ዲቡ ወቅት ምስል ደብረጽዮን እግል ነአምሐብር በክት ኢዐለ እግል። እብ ዶሉ ነዐሬቡ እንዴ እምብል ህዩ፤ መናሰበት ፈቴሕ ሕዱድ እምሐጀር-ሐመረ ክም መጸት፤ ምስለ ለዐለ ሕዴ ወቅት ወድብዱብ ደገሰ ውርበም፤ ምስል ደብረጽዮን ትራኩብኑ። አነ እተ ወቅት ለህይ ሐቴ ልእኩቲት ሌጠ ዐለት እግልዬ። እህታመ፤ እት ፍንጌለ ነአሰእሎም ሚ ኢነአሰእሎም ለልብል ክልአት ሕርያን ክሩፍ እንዴ አነ ወእዋክሰቲ። እት ደንገበ ምን ነአሰእሰሎም ለሐይሰ ለልብል ረአይ ተሐረ። ምን ሐረሰ እሊ፡ “ደብረጽዮን እግል ሐርብ ትትዳለው ህሌኩም፤ እግልሚ ህደፍ፤ ሸዐብ ተአቦዱ ህሌኩም ወእለ ኢትገብእ። እትሊ ወቅት ሐጨር ዲብ ቀድያት ብዕድ እግል ንትሃጌ ይእንቀድር። ለአምጸአተኒ ወለዐቤት ጋራት እላተ። ዲብ ኩብጅ እንዴ ደብደብኩህ እግል ኢጊሰ ሰበት ይእንቀድር፤ ሰድፈት ሐቆ ትዋጀህን እግል አሰእለክ ዋጅብቲ። እሊ ረአይ እሊ ህዩ፤ አቢመ ጨቅዋ ዲብ ሰበት ዐለ አሰእለክ ህሌኩ፤ እሊ እንቲም ትትጠብጠቦ እግሉ ለህሌኩም ለገብእ ኢኮን በዳቱ” እቤሉ። አነ እተ ወቅት ለህይ ህደፍዬ፤ ሐበርት ኢገብአ ምን ገብእ፤ እንዛር ወተሕዚር ክም ኢለአትሐዝዮም ወለሕርያኖም ምን ገባዩ ሻክፍ ክምሰልቱ እግል ሐበርት ሌጣቱ ለዐለ።

እብላነ ትፈናቴነ ወለመካይደም፤ እብ ግብለት ትወረርኑ፤ ዴሽ ፈደራል መጽኤን፤ ኤረትርየ ክእነ ወዴተን፤ እት ልትበህል፤ ለሸዐብ መርበይ ሄራሩ እንዴ አብዴክ ምን በጭበጭት ዐቅሉ፤ ወመጥ-መጥሩ መትዳላይ ዐስከሪ ወዴ፤ ክእነ ለመስል ተፍኪር ወኤታን አስክ አየ እግል ለሄርር ክምቲ።

እብ ሰብር ንራቅቡ! እንዴ እምቤ እት ታብዑቱ ገአነ። አክረቱ። እት የም 3 ኖቨምበር 2020፡ ለገብአ ኡዳም እግል ልሕሰቡ ለኢቀድር፡ ምስለ ምን ቅሩብ እንታብዑ ለጸንሐነ ከሊቅ ክላፋት ወመዳሊት ሐርብ እት ሚ ደረጀት እግል ልብጸሕ ክም ቀድር ወሕናመ በሰርነ ኡምራም ጀላብ እግል ንጸንሐ፡ ለሄራር እንራቅቡ ዐልነ። ቀይድ ለአለቡ ህጁም ህንዲዶ እግል ልጅሬ ቀድር ለልብል ኡዳም በታተን ኢዐለ። ወኖሱ እብ ሚ ሰብ ትትጸበሩ፤ ለዐለ እግሎም ስታት አዜ ሐር እንዴ አቅበልክ ዶል ትርእዩ እብ አማን ለለአትዐጅብ ቱ። እት ጀብህት ቅብለት አቶብዩ፡ ምን 30 አሰክ 32,000 ለበጌሕ ዴሽ ዐለ እግሎም። ዎሮ መሰለሰ ምን እሊ ዴሽ እሊ ውላድ ትግራይ ዐለው። የምክን ሰኒ እንታቤዕ ዐልነ ምን ገብእ ለሰልፋይ ስታቶም፡ ዲብ አቅሊም ትግራይ፡ ዲሙቅራጢ ለበለወ ሕርያን ወደው። ሐቆ እሊ ፈደራልያይ ሕኩመት ከብቱ እብ ቃኑን አለቤ ለትብል ምስዳር ትነሰአት። እሊ ለአወላይ ክፋል ናይለ መቃመረት በዳቱ። ሐቆሁመ ለተዕቢአት ካጢ አተላለ።

ለሰአል እሊ መካይድ እሊ እትሚ ደረጀት እግል ለአብጌሕቱ ለልብል ዐለ። እለ ሰልፋይት ምስዳር፡ አነ መዩምዩም እብለ። እግለ እግል ትትነሰእ ሕሰብት ለዐለ ምስዳር፡ ገበይ እግል አጥፈሐት እንዴ ትብህላት ቱ። አክረቱ፡ እግለ ዴሽ ጀብህት ቅብለት፡ ስያደት ወሕዱድ እግል ልዕቀብ ወጅቡ ለዐለ፡ ለልትቀተል እንዴ ቀተልክ ወለልትጸበጥ እንዴ ጸበጥክ አብደየቱ አውመ ዲብነ ሰለመ እንዴ ትቤ ተዐልን ወሐቆሁ አዲስ አበባ ትገይሰ። ምን ተምም እግልክ ህዩ ዲብ አሰመረ ለህሌት ሕኩመትመ ትቀይራ። ክምሰል እሊ ለመሰል ገበዩ ለሰሕት ፍክር ይምዩም እንዴ ጸበጥክ ዲብ ሐርብ እግል ትእቱ ለለአትፈክርቱ። ለበዝሐ ሕሩብ ናይ መቃመረት ተፍኪር ለሰብቡ ቱ። ምናተ ክምሰል እሊ ተዩልል እግል ልጅሬቱ ለልብል ረአይ ኢዐለ እግልነ። አነ ለአትዐጅብ ለእብሉ ላኪን፡ ክራም ወያኔ ምን ዲብ ትግራይ ለዐለ ዴሽ ጀብህት ቅብለት ለልቡሉ፡ ምን ቅቱል ወጽቡጥ ለተርፈ ክፋሉ፡ ቅያስ ሐድ ለአለቡ ክፋለ ዴሽ፡ ለጅሬት ዲቡ ብቆት ሐርብ እንዴ አፍሽለ ሰብተ ከዳፈዐ። ለተቅዩር ህዩ፡ እብለ ሰባተት እለ መጽኤ። አሰክ የም ሰለሰ ወሬሕ ወክልኤ ሳምን ዎድያም ህሌን፡ እብ ሳዕት-ሳዕቱ ወእብ ምዕል ምዕሉ ለትረአ ተጠውራት እብ ፋዬሕ እግል ልትህደግ እቡ ቀድር ላኪን፡ ክምሰል እሊ ለመሰል አከይ መካይድ፡ ማዕዩን፡ ሰደ ለሐልፈት ህንዲዶ፡ ዐሎባጥ መፋገረት አርወሕ ወለትረኤት ከሳር ወደማር እግል ትጅሬ ትቀድር እንዴ ቤለ ለልሰኤ ኡዳም ኢዐለ። እሊ እትለን ለሐልፈዩ ክልኤ ሰነት ለመጸ ተጠውራት ቱ።

እሊ ተፍኪር እሊ እግል ሚቱ እትለ ደረጀት እለ በጽሐ፡ ቀይድ ለአለቡ ሄራር እግል ሚ አትሐዘ፤ ሕርያን ደማር ወበደ እግልሚ ተሐረ፤ እንዴ ትቤ እግል ትትሃንቡ ልትቀደር ላኪን ለዐለ ተጠውራት ናይ ክልኤ ሰነት ፍገሪት ሌጠ ኢኮን። እሊታት፡ ክእልልት ፍገሪት አው ውለድ ናይለ እተ ለሐልፈዩ 30 ሰነት ዲብ አቶብዩ ለዐለ ሄራር ስያሰት ወፍገሪቱ ቱ። ማሌ አው የም ለመጽአ ሐዲስ ቴለል ኢኮን። ሐል እግል ንርኩብ ገብአነ ምን ገብእ፡ እትለ ደረጀት እለ ለአብጸሐ ሰብብ ሚቱ እንዴ እምቤ ሐር እግል ነአቅብል ወለዐለ ሄራር እግል ነአምር ብነ። አነ አዜ እሊ ለትረአ ዕፌ፡ አልቃም አው መትፈርገዕ ስያሰት ክልቀዩ እብል። አልቃም አው መትፈርገዕ-ስያሰት ሚ በህለትቱ ምን እምብል፡ ብዙሕ እግል እትሃን እቡ ኢሐዜ፡ ላኪን ሐር እንዴ አቅበልኮ ለወሳይቁ ምን እርኤ ለአሰፈኒ። ከእሊ መሻክል እሊ እትለን 30 ሰነት ለጠወረ ውለድ ህንዲዶ ክራም ወያኔ ለክልቀዩ መትብጭባጭ ወመሻክል ቱ። ለትሰረረተ፡ እትለን ለሐልፈዩ ክልኤ ሰነት እንዴ ንትጋሚ ወሐቱክ ክም ቅያስ ተሐይሱ-ተሐምቅ እንዴ እምብል ነሄር ጸንሐነ። እብ ሕበር ለነአተፍቅ ወለኢነአተቅ ዲቡ ቀድያት ወጋራት እግል ለህሌመ ጠቢዒ ቱ። ዎሮት ምን ምስል እሊ አዜ ለህለ

ተዋልል እግል ልትሀደግ እቡ ለቀድር፡ አሀመዳት ለቡ ውብዞሕ ለኢተሃንነ እቡ፡ አነ ወመለሰ ክልኢትነ ለነአምሩ ዲብ ሰነት 1994 ለጀረ በሀለት ቱ። “ጋርከ ሰበት ሀለ እግልዬ እግል እምጸአካቱ” ቤሌኒ። ሰኒ ትበሀልነ ወትፋሀምነ። ክም ትራኩብነ፡ ለጋሪትከ ሚተ ክም እቤሌ፡ “ሕኩሙት አቶብዩ ለትትመረሕ እቡ ቃኑን በሀለት ደሰቱር እትዱልደም ሰበት ሀሌነ፡ አወላይት ጥባባትተ። አዳም ብዞሕ ኢረአዩ ከረአይክ እግል እስመዕ ዲቡ ሐዜ ሀሌኮ ረአይክ ሀበኒ” ቤሌኒ። “ሰኒ” እቤ ወትከበትኩሀ። ምናተ፡ እብ ሐዱ ናይ ሐቱ ምዕል በክት እግል እርኩብ ወእንዴ ቀርአኩሀ ካልእ ዶልመ እግል እድገሙ ሰበት ብዬ፡ እብ እህትማም ቀርአኩሀ። ለጸበጥ እንዴ ደጋገምኮ ክም ቀረአኩሀ፡ ዲብ ተፍኪርዬ፡ ብቆት ሌጠ ትረኤተኒ። እሊ ምን ማደት 39 ሌጠ ኢኮን። ክሉ ስታትለ ደሰቱር ለካትቡ ለዐለ ንዛም አሰክ አዩ ክምሰልቱ መርበይ ሰበት ለአጸብጥ ክም ትራኩብነ፡ “እሊ ክቱብ ለሀለ ስታት ደሰቱር እብ ለገብአ ልግበእ ቅደሱ፡ እግል ሽዐብ አቶብዩ ለከድም ወለነፈዕ ኢኮን። ክምሰሌሀ ክም ትብል ሰኒ አምር፡ ለኢትጸበርኩሀመ ኢኮን። ምናተ እግል ንትማከር ወንትጋሚ ሰበት ብነ ረአይክ ሀበኒ” ቤሌኒ። “ሰኒ ሀሌክ አናመ ሐምደክ ላኪን፡ ለረአዬ ክምሰል እሊ እሉ እብለክ ለሀሌኩቱ” እቤሌ። “ሰኒ ሀሌክ፡ እግልክ ክምሰሌሀ ክም ልትረኤክ አምር ላኪን፡ ሕነ እምበሌሀ ለትካርጀነ አለቡ።” በሀለት እት ክል አቅሊምከ አልቃም ክላፋት ወፈናታይ ትዘርእ በሀለትተ። እብ ክምሰል እሊ ደሚር ወስታት ወጠን እግል ትብኒ፡ ንዛም ሕኩሙት እግል ተአሰሰ፡ እብዩ ገበይ ልትቀደር፤ ለተእሲሰለ ህቶም ክልላት ለልቡሉ አቃሊም፡ እብ ተፍኪር ናይ ክራም ወያኔ ወአከዶት መሳልሐ ሌጣቱ ለተአሰሰ። እት ቀበት እለን 25 ሰነት በሀለት ምን ሰነት 1995 አሰክለ ምስዳር ተሰዬሕ ለትነሰአት ዲቡ ወቅት፡ ዲብ አቶብዩ ለትቤት ስያሰት ሚ ስያሰትተ እንዴ እምቤ ምን እንርእዩ፡ ስያሰት ፈናታይ፡ መትፈንጣር፡ ንዛም ቀባይል፡ አቃሊም፡ ዐዶታት፡ አበ ለትከልቅ፡ ነዐር ወክላፋት ለተአትቃሬሕ፡ እት ፍንጌለ ትፈናተ ቆምያት ወቀባይል ፍትነት ለትቆቅሱ፡ ወዲብ ደንገበ ወጠን ደከን-ደከን ትወዴ።

ለዐድ ዲብ እለ አዜ ለሀሌት ሓድረት ሓለት ለአብጸሐዩ ሰብብ ለመበገሲሀ እሊቱ። ሕነ የምክን እሊ ንዛም እሊ እትለን ሐቆ ሕርየት ለሐለፍናህን 30 ሰነት ሌጠ እንዴ ኢገብእ፡ ምን ሰብዓታት መደት መትአሳሱ እንዴ አምበትነ፡ ሀደፉ አዩ እግል ልብጸሕ ክም ለሐዜ አክል ሕድ ነአምሩ። ከዲብ አቅሊም ትግራይ ሌጠ እንዴ ኢንትሐጨር፡ ሱረት አቶብዩ እብ ዓመት የም ሚ ትመሰል ሀሌት ቱ ለሰአል። ዲብ ዐድ ለልአሰፍ፡ ለለአፈርህ ወለለአከጅል ዓዳት ስያሰት ብኑይ ጸንሐ። እግል መሰተቅበል ህዬ፡ እብ ሰላም እግል ንንበር፡ ክም አግዋር እግል ንትዓወን፡ እት ፍንጌነ ዕላቀት ሰኔት እግል ንክለቅ ሐዜነ ምን ገብእ፡ ክምሰል እሊ ዲብ ለዐል ለትሸርሐ መታክል እግል ልትነወክ ወለአክትም ቡ። እሊ ላኪን ዲብ አቶብዩ በይነ ለሀለ እንዴ ኢገብእ፡ ዲብ ሰማል፡ ዲብ ዒራቅ፡ የመን፡ ልብናን፡ ሊብዩ ወዲብ ሱዳንመ እግል ልትከደም እቡ ጅሩብ ለዐለ በሰር አው ስያሰት ምርት ቱ። ዲብ ፈናታይ እብ አቃሊም፡ ቀባይል፡ ቆምያት፡ ዐዶታት ወድያነት ለተንከባ ቱ። እለ ስያሰት እለ ህዬ ወጠን ትፈንጣር። ምለዐል እሊ ለእምቤሉ አንዘመት ለለአገብር ወካይል መጽአ። ሐት-ሐቱ ዶልመ ጅበት ደያነት ለትገልበበዩ መነዘማት እንዴ መጽአዩ እግል ትከለቀት አከይ-ሐለት ለአትመቃርሐ ወመርሐ። ወጠን ትትብጭብጭ ወዲብ መትሸዕታር ወነዐር ትትሸመም። እለ ዶል እሊ፡ እዴ ሕኩሙት ለአለበን ወናይ ራድኢት መሓብር መጽአ። ብነ ሙአሰሳት ወጠን ኢሀሌ፡ ሐቅ ስያሰት ወጠን አለቡ። ከእሊ እብ እቤ ለትራየመ ገባይል ወዐዶታት ለመሬሕ አጃንዳት ካርጅ ሸብብ። ከለ ዲብ አቶብዩ እትለን 25 ሰነት ለትረአ ዕፊ፡ ምነ ብዕድ እት ግዋሬነ ለሀለ እንዴ ፈንቴነ እግል ንርአዩ አለብነ። ሕነ ህዬ ምን-ምን ነሐይሰ፤ እንዴ እምቤ እግል ንትሃጌ እንቀድር። እሊ ክእነ ለመሰል ሄራር ከይነት ሕነ እብ ለትከእለለት ተጅርበትናቱ ለሐለፍናህ። ሸዐብነ ምን

ተጃርቡ እንዴ ተዐለሙ፡ ምን አፍካር ጨቢብ ለቡ ሽዑብ ዐደታት ብዕድ ለትፈንታ ቱ። ክምሰለ ብዕዳም ስያሱት ፈናታይ ወፈንጨጋር ለመሬሕ ወለራዔ ሽዑብ ኢኮን። ከሕነ ምን ሐልፈ ተጃርብነ ሰበት ደረሰናቱ ድኢኮን። ምን ብዕዳም ለነሐይሰ እቡ ሰቡብ አለብነ። ሐቆ ካቲመ ሐርብ ዐለም ካልኣይ፡ እብ እንግሊዝ ለትኤተነ ዐድነ ዲብ ክልኤ-ሰለሰ ክፋል እግል ካፈሎተ ወሽዑብነ እብ አድያን፡ ቆምያት፡ አቃሊም ወቀባይል ሰርቴክ እግል ልግበእ ለዐለት ከይነት፡ ሽዑብነ ብዙሕ ደርሰ ምነ። እሊ ህዬ፡ ክምሰለ እብ ሐለት አፋነ እንዴ ለግመው ሕርየትነ ካልኣምናተ ለህለው፡ ሐቅነ እብ ግድለ ሐለት እግል ነአክድቱ፡ እንዴ ቤለ ዲብ 1961 ለአንበተ ንዳል እግል ሕርየት ወእሰትቅላል ወለረከብናህ ምኑ ተጃርብት ቀላል ኢኮን። እሊ ህዬ ምን ብቆት አድሐኔነ እግል ኒበል እንቀድር ድኢኮን። ምን ብዕዳም አግዋርነ ፍንቲት አለብነ። ከክም አግዋር እሰልፍ ሰላም ወደሐን እንዴ አከድነ እግል ንትሳዴ ወንትዓወን ገብአነ ምን ገብእ፡ ክምሰል እለ ለትመሰል ሰምምት ስያሱት ዕድር፡ ዓዳት መትፈንግር፡ ወአትሳዋር ነዐር ወአከይ-መቅሬሕ እንዴ ሀላ፡ ዲብ ደንጎበ እግል ተአርቴዕ ወትሰዬሕ ለህለ ደቅብ ቅያሰ አለቡ።

ከዲብ አቶብዩ ቀደም ክልኤ ሰለሰ ሰነት ምስዳር ተሰዬሕ ትትነሰእ እት ህሌት፡ እግል ንትለዩ ወንሰደዩ ሌጠ ብነ። እሊ ህዬ ሕርያን እንዴ ኢገብእ መብደእ ሳብት ቱ፡ ላዝምቱ። እግልሚ፡ ሰላም ወደሐን እግል ልትረከበ ወልትአከደ ገብአዩ ምን ገብእ፡ እሊ ለትሸርሐ ሄራር እግል ልትሰዩሕ ቡ። እሊ ህዬ፡ አዜ ለመጽአ እንዴ ኢገብእ ምን በዲር ወእብ ዐገል-ሳብት እንከድሙ ጸንሐነ ወህሌነ። የምክን ለእትሎም ለሐልፈው አውርሐት ሐ-ዳም ለትረኤት አከይ-ማርሐት እንዴ ተዐዴነ ረአሰነ ቀደም እግል ነአሳድር ብነ። የምክን ለቅድየት ትከለሰት እግል ኒበል ይእንቀድር። ሰበቡ፡ ለአዜ ብጾሕ ለህለ ተጠውር ምን ገበዩ እግል ተአሸክፍ፡ ጸባይብለ ክራም እንዴ አካከብነ፡ እሰልፍ ሰላም ሐምርጎት ወሐሬ ዲብ መርሐለት ህጁም እግል ትትዐደው ትቀድሮ ለትብል ስያሱት ካርጅ ትግበእ ወለ “ህሌነ ኢብዴነ!” ልብሎ ለህለው ሰብ-ቅድየት ሰበት ለህላ፡ ሕነ ክም ሓድሰት እብ ሐትሐቱ እንዴ ቴለክነ እግል ንቅረአ እንቀድር። ሚ ደረሰነ ምነ ወእት መስተቅበል ህዬ ሚ እግል ኒዴ እንቀድር፤ ለልብልቱ ለሰኣል ለምህም። ሰበት እሊ፡ አነ ለእትሎም 3 ወሬሕ ወክልኤ ሳምን ለትረአ ተጠውራት፡ ድራሰት ዐባይ ዳርሳም ምኑ ሰበት ህሌነ፡ መርበይ መስተቅበልነ እግል ነአዋሬሕ ለሰዴ ቱ። ፍጥር ሐዲሰ አለብነ ላኪን፡ ምን ተጃርብነ ለተዐለምናህ፡ ዐቅል ወልባብ ለለአወዴ ተጠውራት፡ እግል አከዶት ሰላም ወመዓወነት እግል ንትነፈዕ እቦም ሰበት ወጅብነ፡ ፈሀምነ ፋዬሕ፡ ወሄራርናመ ዲብ ፍዕል ለትአበጽሐነ ገበይ እበ እግል ልምረሐና ቡ። ከእሊ ማሌ ቅሩብ ለረኤናሁ ተጠውራት አዩ እግል ለአብጾሐነ ቀድር እምቤ ምን ገብእ፡ ተረት አቶብዩ እትለ መንጠቀት ንኢሸ ኢኮን። እለ ህዬ ዮም ሌጠ ኢኮን እምብለ ለህሌነ። በዲርመ ምን ገብእ፡ መሻክል ሶማል ክም መጽአ አፎ እብ ሕበር ይእንቀሸቁ እንዴ እምቤ እተ ለትበገሰነ ዲቡ ወቅት፡ ሐቱ ርሳለት ዋድሐት ናይ መብዳእናተ። እትለ እነብር ዲበ ለህሌነ ምንጠቀት ሰላም ወመሰከብት እግል ልትአከደ ገብአዩ ምን ገብእ፡ ተረት አቶብዩ፡ ሰላም ለትሰዴ ወለትአይድ እግል ትግበእ ቡ። እሰልፍ ላኪን ናይ ቀበትከ እግል ተአሰክብ ወጅብነ። ሕናመ ዝያድ 80 ሰነት ለኢለዓርፍ ወለኢለአትካርም መሻክል እቡ ጅሩሳም ሰበት ሕነ፡ ሰላም ወዐማር ዝያድ ገባይል ብዕድ ከሳነ ወለአትሐዝያነ። ሰበት እሊ፡ እትለ ጋሪት እለ ምኒነ ለልትጠለብ ዋጅብ እግል ነአትምም እንከድም ህሌነ”።

**ሰኣል= ምሰል እሊ ለገይሰ ጋር፣ ወያኔ እግል ረዩም ሰኔን ድድ ኤረትሮፕ ለልትቫር ደዓያት ምሰል ለትፈናተው ቅዋት ካርጅ እንዴ ገብአ ወዱዉ ለዐለው ረኤን። እሊ ጸብኢታት እሊ ምሰል እሊ ለሀሌነ እተ ሓለት ሚ መሰል? ወእብ ከአፎ ልትሸረሕ?**

ርኢሱ፡ እሊመ ዲብ ከርሰ ናይ ለትፈናተ መሰኢት እግል ንርአዩ ብነ። ለሓለት ክልዶል ለትትብሀል እግል ትግብእ ትቀድር፡ ላኪን ሕነ እሊ እብ ከአፎ እንቀርኡ ኣመሮት ድፋሪቲ። 80 ሰነት ወዘያደቲመ ምንገብእ እግል ቲጊሰ ትቀድር። ላኪን፡ እለን 80 ሰነት ሐቆ ካቲመ ካልኣይ ሐርብ እዲን፡ ድወል እት መደት እስትዕማር ሕዱደን ለትረሰመ እለንቲ። እግልሚ ክምሰልሁ ገብአ እንዴ ትቤ እግል ትትሃጌ ኢትቀድር ላኪን፡ ክለን ግረ ካልኣይ ሐርብ እዲን እስትቅላለን እግል ልንሰአ ለዐለ እለን ድወል ዲብ አፍሪቀ እሙራት ተን። ኤረትሮፕ ሐቲ ምነንተ። ኤረትሮፕ የምክን ምነ ሰልፋያት ሐንቲ እስትዕማር ለዐለየ ድወል እግል ትትብሀል ልትቀደር።

ዲብ ግርባት 19<sup>ፎ</sup> ክፈል ዘበን ምሰል ምጽኢት ጥልያን፡ አሸየእ ብዞሕ እግል ንርኤ እንቀድር። እሊ አዜ ዲብ ሰነት 1941 ወግራሁ፡ ኤረትሮፕ እግል ሰትራተጅያይ መሳሌሕነ ኢትወክል ልትብሀል እት ሀለ፡ እብ ሰፎርዛ ደላሱ፡ በክትነ እቡ ትቀረረ። እትሊ እንዴ አቅበልነ ቀርአነ ምን ገብእ፡ እግል ሚ ቱ ተቅሪር መሰር ሕቁቅነ እግል ንናድል ለአንበትነ እምቤ ምንገብእ፡ ሐቅነ ሰበት ትከለአነ ለትቀሰብነ እቲቲ። እሊ ንዳል እሊ እንዴ ትጀበርነ ለአቲናሁቲ። ናይ መዐደዩ ወክድ እዳረት እንግሊዝ ምን ሰነት 1941-1952 እግል ዐሰር ሰነት ለጸንሐነ እቲመ ምንገብእ፡ እግል እሊ ናይ ካርጅ አጃንዳት እስትራተጅያይ መሳሌሕ-ድቁባት ድወል እግል ልክደም ሰበት ሀለ እሊ፡ ህቶም ለሐረዉ ወኪሎም እብ ረአዮም አቶብዩ ሰበት ገብአት፡ ህተ ዲብ እሊ መንጠቀት መሳልሐም ለተርጅም ሰበት ገብአት፡ ሕነ ሐቅነ እንዴ ትከለአነ እብ ሰብብ እሊ ናይ ድቁባት ድወል አጃንዳት እት ንዳል ትሸመምነ። አሰክ ናይ ሀይለሰላሴ ንዛም ለዐለ እቲ ወክድ እሊ ክሉ እብ ከፎ ንዳል ወሐለፍናሁ ድግም እንዴ ኢገብእ፡ ናይ ማሌ ፍቃዶ ቲ። እሊታት እብ ሐትሐቲ እግል ንትሃጌ እቲ እንቀድር። በክትነ እግል ልቀርሮ እት ረኣሰነ ለትከለቀ ናይ ካርጅ አጃንዳት ሚ ሸንርብ ክምሰል ሐድገ እትነ ወእብ ሰበቡ ለደፈዐ እስትሸሃድ ቀሊል ኢኮን። እት አዲሱ-አበበ ለዐለ አንዝመት ለህዩ ወለህዩ ናይ ካርጅ ዋይዲባትቲ ለሐብክ ወተርጅም ለዐለ። ሰበት እሊ፡ አቶብዩ ወሕነ ለልአትብእሰ ምንመ ይዐለ እግልነ፡ ለሰብብ ክምሰለ እሊ ዘከርኮ አንዝመት አቶብዩ አጃንዳት ካርጅ እግል ልፍዐሎ ሰበት ሐዘውቲ።

ዲብ ሰነት 1961 ሸዑብ ኤረትሮፕ ንዳሉ ለአነብት ዲብ ሀለ፡ አሰክ ሰነት 1974 ለዐለ ንዛም ሀይለሰላሴ ወግራሁ እግል 17 ሰነት አሰክ 1991 ለአተላለ ንዛም-ደርግ ክሎም እግል አቶብዩ እንዴ ኢገብእ፡ አጃንዳት ድወል ድቁብ እት ፍዕል እግል ለአውዕሎ እንዴ ቤለውቲ እለ ክሉ ሀላክ ለመጽኢት። ኤረትሮፕ እግል መሰለሐትነ ለትክድም ሰበት ኢኮን እት ሐን እስትዕማር እግል ትንበር በ ለቤለው ናይ ካርጅ ድወልቶም ዲኢኮን አቶብዩን ኢኮን። ሰበት እሊ፡ እሊ ክሉ እት ረኣሰነ ለትሐበክ ዋይዲባት እንዴ ዋጀህን ወቃሊ ዐውል እንዴ ደፍዐናቲ እትለ ለበጽሐነ። ሰበት እሊ፡ ምን እሊ ሚ ደረሰነ?

ሐቆ እሊ ሰነት 1991 መጽሐፍ፡ ምስል ምጽኢት '91 ህዬ ሐርብ ብሩድ አክተመ። ምውዳቅ፡ ምፍጋር ጀርመን፡ እተሓድ ሶቪት፡ አሜሪካ ውብዕድ ተርፈ። ዐለም እት መርሐለት ሐዳስ አቴት፡ እሊ ህዬ ምስል ሕርየትን እት ሐቴ ኢነት ሳደፈ። እብሊ ህዬ፡ ምስል ግዋሬነ ወዘያደት ክሉ ምስል አቶብዩ ሰን ግዋሬ አሰሰነ። ምስል እሊ ዕላቀትን ምስል አቶብዩ ክምሰል አተረድነ ህዬ እትለ መንጠቀት ዕላቃት እግል ነአሰሰቱ ወምስል ክለን ግዋሬነ እግል ንትመሳኔ ትበሀለ። ለአማን እሊ ዲብ እንተ ላኪን፡ እንዴ ኢንትብገስ መሰምሰ ሕዱድ መጽሐ። እት ባልነ ወረአሰነ ለይዐለ መሻክል። ናይ ሐኒሽ መጽሐ፡ የመን እቱ ይዐለት፡ ለአጃንደት ናሰ ናይ የመን ኢኮን። እሊ እበ ድቁባም ሕነ ለልብለ ሰብ መሳሌሕ ለመጽሐቱ። እሊ ደውለት እሊ አዜመ እግል ትስኩብ ወተዓርፍ አለበ ትበሀለ። እብሊ መሻክል ትከልቅ ወተሐባልክ፡ እብሊ ቀድየት ሐኒሽ እበ ገብአት ትግበእ ሰክበት፡ ግራሁ ናይ ባድሚ መጽሐት። ባድሚ ናይ ፍጥር መሻክልቱ፡ ባድሚ መሰምሰተ። ለዲብ ትጠወር ትገይስ ለዐለት ዕላቀት እግል ትትሐምረግ ለትኤነት ተ። ከእብ ከአፎ ትብገስ ወእብ ከአፎ ትጠወረ ወዲብ ክእነ ደግሽ ዐቢ ዐርገ እምቤ ምንገብእ፡ ምን ሰነት 1998 አሰክ ሰነት 2000 ወግራሁ አሰክ ሰነት 2002 ለዐለ ቴለል ክሉ አጃንዳት ናይ ካርጅቱ። እሊ አጃንዳት እሊ ለክራም እሊ ክሉ ዲብ ንዓል ለወሽዐ ዕላቃት ወምሰንዮት እንዴ ጠልመ ድድ ኤረትርዩ ለነሰአዩ ምሰዳር ናዩ ሌጠ ኢኮን። እዴ ካርጅ ለዐለት እተ ክምተ ቅወይ ኢኮን።

መሰለን ዲብ እሊ ወክድ እሊ ረኤነ ምንገብእ፡ እምበለ ትትሀዩብ ለዐለት ሰዳይት እግል ደዐም ናይለ ክራም እንዴ ትበሀለ እብ አሜሪካ ለትሀዩበ ክም ዐለ ሐቆ እምቤ ዘያድ 20 ቢልዮን ዶላር ዐለ። እሊ እብ ሰሜት ራድኢት ሰዳይት እንዴ ትበሀለ ለተሀዩባቱ። እሊ ህዬ ኤረትርዩ ወአቶብዩ እት ሐርብ እግል ልትሸመመ ምን ተሐዛ ቱ። እብሊ ህዬ አጃንዳትክ እት ፍዕል ተአውዕል። እብሊቱ ህዬ ንዛም ምር-ቅጥቡ እግል ነአሰሰቱ እንዴ ትበሀለ ልትከደም እቱ ለዐለ። እብ ክእናቱ ህዬ ዐለም እግል ነሰተዕምራቱ፡ ዘያደት ጀላብ እግል ነሰተዕምረ ህዬ እት ለፈናተ ለከድመነ ሕዩል እግል ንካፍለ ብነ፡ ክእነ እግል ኒዴ ህዬ ዲብለ እንካፍሉ መናጥቅ ወካይል እግል ለህሉ እግልነ ቦም ትበሀለ። እሊታት እግል ሊደው ህዬ ፍንጌ ኤረትርዩ ወአቶብዩ ክምሰልሁመ ብዕዳት ድወል አከይ መቅሬሕ ክም ልትከለቅ ወዱ። እሊ አከይ-መቅርሕ እሊ ህዬ ናሱ ለበቅለ እንዴ ኢገብእ ህቶም ምን አጅል መሳልሖም ለከልቀዉቱ። እት ከርስ እለን 25 አው 30 ሰነት እግል እት አቶብዩ ለዐለ ክራም እንዴ ደሐረው ክምሰል መሰል ሰኔት እንዴ ትበሀለ ለገብአ እግሉ ደዐም እብ ቀለ-ቀሎ ለልትረኤ ኢኮን።

ሰበት እሊ፡ እሊ ለትበሀለ እበ ክራም ሌጠ ለትብገሳቱ እግል ኒበልመ ይእንቀድር። እሊ ህዬ ምን 91 ዘያደት ህዬ ምን ሰነት 2000 ወሐር እሊ ዋይዲባት እሊ ለሐብኮ ለዐለው ምንቶም እምቤ ምንገብእ፡ ናይ በረ ድወል ወናይ በረ አጃንዳት ቱ። እሊ ማሌ ለትረአ ሐደስ እግል ናሱ እግል ክራም አበሀረረዩ ገብእ፡ ላኪን ምኑ ወኬንመ እግል ክራም ለአሸቁ ወምኖም ልትነፈያ ለዐለው መናቢቶምም አደንገጸዮም እግል ኒበል እንቀድር። እሊ ዘያድ ሰለስ ወሬሕ ዋዲ ለህለ ቴለል ረኤነ ምንገብእ፡ ዲብ ሰጥጥ ልትረኤ ለዐለ ናይ አሸይጠኖት በራምጅ መዳየገት ወበቲክ ሰእየት ለትመለአ አፍካር እግልሚቱ እትሊታት ለካረ? እሊ አዜ ዲብ እሊ መንጠቀት ልትሻብብ ለህለ አዋይንመ ምኑ

እንዴ ፈንጅከ ለልትረኤ ኢኮን። ሰበት እሊ። ለገብአ ሐደሰ ወለልትረኤ ተጠውራቱ ልብ እግል ንክሬ እግሉ ወጅብ። እትሊ መ ለዝያደት ተአሲር ለሰም ለድቁላም ዐለም ሕነ ልብሎቶም። እብሊ ሀዬ ናይላ ክራም ቴለል እንዴ ኦትዓቤከ ለልትረኤ ኢኮን። ሕነ ምኑ ወኬን ተጃርብ ብነ። ናይ ሰብዓታት ናይ መደት ሕርየት ለዐለ ቴለል ክሉ እግል ንርአዩ ብነ። ሕነ ምሰል እሎም እግል ንንበር ይእንቀድር ሕርየትን እግል ንንሰእ ብነ ደውለትን እግል ነአሰሰ ብነ ልትበሀል ዐለ።

አማንቱ። ሕነ አዜ ሕዱድ ጀዲድ እግል ንርሰም ኢኮን። እሊ ሐሬ ሐቆ ትሰፀ ወሐቱ ለመጽአ ወእሊ ሐሬ ለመጽአ ቴለል አቶብዩ ለከልቀ እትገብእ። ሕነ እብ ጀሀትን እትሊ ዶርነ ሴድያይ ዐለ እግል ኒበል እንቀድር። ላኪን ዲመ ናይ ካርጅ አጃዳት እት ነሐሜ ሕኔት እንገይሱ። እሊ ናይ ካርጅ አጃዳት እምበለ እት ከርሰ ለሀለ መሻቀዩ እብ በይኑ እግል ሊጊሰ ኢቀድር። ሰበት እሊ። እሊ ዲበ ሐልፈ ሰለሰ ወሬሕ ለትረኤ ቴለል እግል ነአምር ለአጃዳት ንቅርኡ። እሊ ለልፍዐሎ ናይ ዓለም ዌድዮቱ መንቶም? ሚ ለሐዙ ህለው? ለናይ ደንጎበ ሀደፎም እግሎም ለከድም ወሀቶም ተአሲር ለወዱ እቱ መናጥቅ እግል ለሀሌ እሎም ወእበ ሐረምም ኬድመት እት ፍዕል ጀላብ እግል ለአውዑሉ። ህቶም እበ ቀየሰዉ ስታቲባት ጀላብ እግል ልሄርርቶም ለለሐዙ። እሊ ሀዬ። እምበል ናዮም ኬድመት ወመሻቀዩ ክሉ ረአሱ እግል ልግበእ ሰበት ኢቀድር። ላብድ እግሎም ለከድም ኬድማይ እግል ለሀሌ ቡ። እሊ ማሌ ለትረኤ ዲብ ካቲማሁ በጽሐ ወትከለሰ እግል ኒበል ይእንቀድር። እግልሚ። እሎም ሐሽምት ካሰአም ለህለው ፈንጎሕ ፈጅር እግል ልስከቦ ኢኮን። ሕነ ዲበ ሐልፈ ሰኒን ለረከብናሁ ተጃርብ ቀሊል ኢኮን። እሎም ፍክር ሰኒ እግል ልፈክሮቱ ወመግጥሮም እግል ልቀይሮቱ እግል ኒበልመ ይእንቀድር። ለተጠውራት እንርእዩ ህሌነ። እት ከርሰ እለ መንጠቀት እለ ሌጠ እንዴ ኢገብእ እት በራመ ልዝሀር ለሀላቱ። ምን ዒራቅ አሰክ ሱርየ። ምን ሊብዩ አሰክ ሱማል። ዲብ ኢቶብዩ ሱዳን። ግብለት ሱዳን ለትፋናተ መትአታይ ወአትአካይ ሰበት እግል ለሀሌቱ። እትለ ደረጀት እለ በጽሐነ ማሌ እብ ሐሽም ወያኔ ለትረኤ በርጠጠዕ ብዙሕ ዳርሳም ምኑ ህሌነ። እግል መጽእ ላኪን ክእነ ላቶም ተአሲራት ሐማራግ ጀላብ እግል ንክረዕ። እግሉ ለከሰሰ ኤታናት እግል ለሀሌ እግልነ ቡ እንዴ እምቤ ሰበት ነሐሰብ። እሊ አዜ ለሀለ አጃዳት ወሽርሐ እብ እሱወ ገበይ? አሸይጥን። ሀድድ። ሞረ ዲብ ትወታውት አድሚዕ። አትኣኬ። ሐሴ። እሊታት ኩሉ ክምሰ'ለ ልሙድ እግል ንንሰኡ እንቀድር።

እሊ ልትበሀል ለሀለ ክምሰል ሚ እግል ንንሰኡ እንቀድር። መኔዕ ልትቀረር እትን እት ህለ። እብ ከፎ ትሳደቀ እቱ። ለጋር ታምምቱ። ሰበቡ ለሀደፍ እሙር ቱ። ኤረትርየ ከፎ እንዴ ወዴክ ግረ ተአተርፈ። ከፎ እንዴ ወዴክ ትጨፍልቀ ወትአጀገሐ። ለቀራር ዲብ ደንጎበ ትፈትን። ተሐሴ። ሐሳዳም ሸዋሂድ ተአመጽእ። ተአትፋርህ ሸዋሂድ ሰምሰር። ኖስከ ፊርዳይ ወኖስከ መጃዝያይ ትገብእ። ለመኔዕ ጋብእ ዲብነ ለዐለየን ሴዕ ሰነት እብ ከአፎ ሐለፍናህን እምቤ ምንገብእ። ናዩ ታሪክ ቡ። ከፎ ሐለፍናሁ ለለአትፈክር ቱ። ግረ እንዴ አቅበልነ ለናይ መኔዕ ሰኔታት ሰድ እንርእየን ፈርግ አለበን። ለሄራር ወለልዘበጥ ወተር ዎሮቱ። ከፎ ተአትካፍእ ወትፈትን። ከፎ ተአሸይጥን። ከአፎ ትሰቅቅ ወከአፎ ሸዋሂድ ተአመጽእ። ከፎ ትፈርድ ወከአፎ ቀራር ተሓልፍ። እሊ ዲብለ ረዩም እንዴ አቅመትን እግል ንብነዩ ለብነ አሰሉል ወእግል ንንደቀ ለብነ መሰከብት እብ ከአፎ



እግል ንሽቁ እቡቱ፤ እሊ ናይ ማሌ ምህም ደርስ ቱ። ለናይ ካርጅ አጅንዳት እግል ልትረፍቱ፤ ፈጅር ቱለል ሰኒ እግል ልትቀፈርቱ ወብዕድ እንዴ ይእንብል እብ ናይነ ፈጥን ወሄራር ሌጠ እግል ንራቅቡ ክምሰል እንቀድር ታሪኽ እድሩሰነ ሰበት ህለ፤ አክል እሊ እግል ለአትፈክረነ ኢቀድር።

**ሰኣል፡ ሓይስ ርኢስ ክመ ትብሉ ለጸንሑ፤ እግለ እት መንጠቀትነ ልትግገስ ለህለ ሐዲስ ወራታት ሰላም ወመዓወነት ለልዕናቅፍ ለትፈናተ ተጠውራት ልትሻቡብ ህለ። ናይ ሕዳድ አከይ-መቅሬሕ ሱዳን ወአቶብዩ፤ ክምሰልሁ-መ ቅድየት ማይ-ኒል ፍንጌ አቶብዩ፤ ሱዳን ወመሰር ለህለ ክላፍ ምን አግዳቱ። እሊ አከይ-መቅሬሕ እሊ፤ እብ ገበይ ቃትን፤ ዐዳለት ወመሰለሐት ሕበር ሐል ዳይም እግል ልትረከብ እሊ፤ መንጠቀትነ ሚ እግል ቲዴ ትቀድር፤ ዶር ኤረትርዮ ህዬ ሚ መሰል?**

ርኢሴ እሊ ሰኣል እብ ሚ ምን ነአነብቱ ለሐይስ መሰለከ፤ ሰዶሰት ካርጅየትና አሳስ እት ገወውርነ ሚ ቱ፤ ኢመሰከብት ክልዶል ምን ይዐቂብ ሚዛን (Balance) ዶል የህላ ቱ ለትትከለቅ። ፈንጨጋር ልትወለድ፤ ለትፈናተ ካጢ አፍካር እግል ልትጠወር ቀድር። ሰበት እሊ ሕነ፤ እትለ መንጠቀትነ ሰላም ጀላብ እግል ትምጸእ፤ ሚዛን እግል ለህሌ ቡ። ሚዛን በሀለት እብ ጆግራፍያይ ሸሬሕ፤ ግዋሬነ 4 ከፊፍል እሰም ቃይም ቱ። ድወል ሐሰያት ኒል ለዎር ምኑ እት ገብእ፤ ለካልኣይ፤ ቀር አፍሪቃቱ፤ እት ቀር አፍሪቃ ለህለየ ድወል፤ ዲብ ክልኢቱ መዳንን ኒል ወበሐር ቀየሕ እግል ለህልያመ ቀድረ። ለሳልሳይት ወዘያደት እስትራተጅየት ለበ በሐር ቀየሕ ቱ፤ በሐር ቀየሕ ወለልት-ሓደግህ ድወል፤ ክትፈት ናይለ ግዋሬ ለእንብሉ ምድር ቱ። ለራቤዕ ከሊጅ-ዐረብ ቱ። እሊ ምሰል ናሰናሱ ሸበከት ዕላቃት ግውርነት ለቡ ምድር ቱ።

እትሊ ምድር ሚዛን እግል ለህሌ ገብእ ምን ገብእ፤ ክል ደውለት አካነተ እግል ተሐዋዋ ቡ። ሓግለት፤ ዐባይ፤ ንኢሽ እንዴ ኢልትበህል፤ ናይ መዓወነት ወውፋቅ አርደት እንዴ አዋፈሐከ፤ ቤንያይ ከዋዋት ጀላብ እግል ትንሰእ፤ ለሚዛን አው መሰከብት እግል ተህሌ ህለ እግል። መሰከብት ናይ ኩለን ግዋሬ። ሕነ ክም ደውለት ንኢሽ እት ቀበት እሊ ገወውር፤ ምን ቅድረትነ ወለዐል ለትራዘቀ ዶር እግል ለህሌ እግልነ ኢነሐሰብ፤ ምናተ ለልአትሐዜነ፤ እት ቀበት መሰከብት ለብእቱ ተየልል እግል ንንበር ቱ ለንትሸነህ። መዓወነት ዐማር ምን ገብእ ወመሳሌሕ ብዕድ እግል ንርከብ ሐቆመ ገብእነ፤ መሰከብትለ ገወውር ዘያደት እግልነ ተአትሐዜ። የምክን ለዐባዩ ወጽጉባት ድወል ኢልትረአየን ገብእ፤ ሕነ ላኪን ዘያደት ትትረኤነ፤ መሰከብት እግል ተህሌ በ ዶል እንብል ህዬ፤ ምን ምራድ ሰኒ ሌጠ ለልትበገስ እንዴ ኢገብእ፤ መሰለሐት ሕበር እግል ሰበት ነሐሰብ ቱ።

ለምሽክለት ህዬ፤ እት ቀበት እለን ገወውር ለህለ ኢመትማዛን ቱ። መዳንን ኒል ላተን ድወል ምን እንረኤ፤ መሰር እተ መሰለለት ዲብ አየ ህሌት? ሱዳን እተየ ህሌት? ግብለት ሱዳን እትሊ ተየልል አዜ ዲብ አየ ህሌት? አቶብዩ እብ ዐቢህ እተየ ህሌት? ሶማል ወጅቡቲ አየ ህለየ? የመን ህዬ? ሰዑድየ እተየ ህሌት? ኩለን ግዋሬነ ወገባይለን እት ሚ ሓለት ህለየ፤ አካነን ጳብጣት ህለየ፤ ክል-ምንን ሐዙተ ትወዴ ህሌት?

እብ ኣማን ህዩ፡ እሊ ገባይል እሊ እብ ምሰንዮት ለልኣነብር ተዋልል ረክብ ሀለ? ኣሰክ እለ ለመጽኢ ተጠውራት ግረ እንዴ ኣቅበልን ምን እርእዩ፡ ገባይል እለ መንጠቀት ማዛኑ ለዐቅብ ሀለ መኢፋሉ፡ ክል ምኑ ህዩ ናዩተ ወዴ ሀለ ዶል እንብል፡ ጸርሎ-ማዛን ድሉል ሀለ። ለናይ በረ ዐዋምልመ ኣክል ኣዩ ተእሲር ክም ቡ እግል ንርእዩ ብነ። ለገወውር ህዩ ናይ ናሱ ሕር ሀለዮት ቡ ሚኢኮን?

እተ ቀበትለ ግውርነት ህዩ፡ ‘ሕነ ናይለ መንጠቀት ሀረሚት ሕነ’ ለልብሎ ህለው። እሎም ሀረሚት መንጠቀት፡ ኣርትክ ናዩ ተእሲር ወፍንቲት እግል ልክለቅ ሰበት ለሐዜ፡ እት ቀበት እለን ግዋረ ለክልቁ መሻክል ጌዳን ኣለቡ። ዲብ ዐለም ሀረሚት ሕነ ለልብሎም፡ እት ቀበት እለን ገወውርነ ለወድወ መትኣታይ፡ እግለ ማዛን ኣክል ኣዩ ክም ልምህጹ እግል ልብ እግል ንክር እሎ ብና።

ሰበት እለ፡ ስደሰት ካርጅነ ሀደፈ፡ ግፍሐት እት ዐማር ወመስኩብተ ሌጠ ለትሰዳነ ገበይ ኣዋፈሐት እንዴ ኢገብእ፡ ለተዋልል ኣሰክ ኣዩ ልሄርር ሀለ፡ ለመሻርከት እት ቀበትለ ገወውር ህዩ ሚ ዶር ለኣገዱ ህለው? ለልዐናቅፍ፡ ለልምህጽ፡ ለልኣትብእስ ወለልኣክርብ ለትፈናተ ኣጃንዳት ሰበት ሀለ፡ እሊ እንዴ ኢጃቀቅኩ፡ እብ ኣማን ኣድሁይ ሳክብ ወመሰለሐቱ ለዐቅብ እግል ለህሌ እልክ ኢቀድር። መሻክል ሕዱድመ፡ እብ ዕን ሕዱድ ሌጠ እንዴ ይእንርእዩ፡ እት ቀበት እሊ ምክያል እግል ንርእዩ ወጅብ። ለቅረመ፡ እት ቀበትለ ገወውር ለህለው፡ ናይ መንጠቀት ወናይ እድንዩ ምን ቶም? እሊ እት 4 ዐነዲ ለካፈልናሁ ገወውር፡ እብ እስወ ገበይ እግል ልትጠወር ቀድር፡ ለሐልፈ 10 ልግበእ ወ30 ሰኖታት፡ እብ ከኣፎ ረኤናሁ? እብ ፍንቲይ እዲና ዎር ቅጥበ እግል ንክለቅ ቱ እት ልትበህል፡ ለትከሰኣ ኣጃንዳት እት መንጠቀትነ ሚ ኣጅረ? ኣዜ ለህለ ተዋልል ህዩ ሚ ለኣጅሬ ሀለ?

መሰለን፡ እት መዳንን ኒል እብ ሰብብ ከዛን-ህዳሴ (ከዛን-ኣባይ) ቃንጽ ለህለ ኣከይ-መቅሬሕ እብ ከኣፎ እንርእዩ? እት ክቱብ ፊቃዶታቹ ሀለ፡ ላኪን እግል ሰልፍ ኢነት እት ሰነት 1993፡ እሰትቅላለ ለረክቡት ደውለት ሐዳስ እት ሕና፡ ዲብ ዓሲመት መሰር ኣልቃህረ ዲብለ ገብኣ እጅትመዕ ሩኣስ ድወል ኣፍሪቀ ሻረክነ። መሻክል ጂኦሰዶሰት ኒል ምን ሚ ለኣነብት እግል ለኣምር ለልሐዜ፡ እት መደት ቅድምት፡ እብ ወቅት-ወቅቱ ቀንጽ ለዐለ መታክል ውሱቅ ሀለ።

እተ መደት ለህ ምሰል መለሰ እት ንትሃጅክ፡ “መሰር እብ ከናል ሰዌጽ ዐነድር እንዴ ዐዴት፡ እት እስራኤል ማይ-ኒል እግል ተኣዝቤቱ” ለልብል ሀገሊት ዐለ። ናይ ቤለቤለው ቱ መኣኪደት ቡ ክም ምራድክ እግል ትሰረፉ ትቀድር፡ ላኪን፡ እሊ መሻክል እሊ ምሰል መሰርዩን እግል ህደግ እቡ ሐዜ ህሌኮ ቤሌኒ።

“ሕነ ማሌ ሕርየትነ ነሰኣነ ወኣዜ እንታክብ ህሌነ፡ ክእነ ለመሰል ቅደይ ገዚፍ እግል ሚ ኣዜ ነሀርሱ ህሌነ? ዲብ ተንዚም ውሕደት ኣፍሪቀ፡ እትለ ሰልፋይት መሻረከትነ፡ እሊታት እግል ተሀርሰ?” ክም እቤሉ፡ “ኣማንካ ቱ ዶል ሓር እግል ንህደግ እቱ እንቀድር ቤሌኒ፡ ወምን ጸቤሕ ክም ኣቅበልነ፡ መለሰ እብ ሐሩቀት ተናን ፋግር ምኑ እት እንቱ መጽኤኒ፡ “ክመ እለ ቴልከኒ በደል እወዴ፡ ለቅድየት እግል ዑመር ሰሌማን ክም ኣሰኣልክወ፡ እብ ቅብብ፡ እንተ ናስከ ምን እንተ? እት

ልብል በልሰ እኛ። እሎም ቀቡኑ አነ ህዬ እግል አርእዮም ቱ። ክምለ ቱርኪ እግል ሱርየ ወዲራቅ ለወዴተ... ወብዕድ ሀገራት ሀላፍቱ እቱ ትካረ። “እግል አርእዮም ቱ” እት ልብል ትናፈረ።

ሐር እንዴ አቅበልኑ እት አንዝመት ለቀዳም ዶል እንረኤ። እት መደት ደርጊ። እብ ቅድየት ማይ- ኒል እት ልትሀደግ እቱ ለዐለ አውካድ። እበ ናይለ ወክድ ለሀይ ተፍኪር። ‘ዐረብ እግል ኤረትርየ ለአይዶ’ ልትበሀል ሰበት ዐሎ። መንግስቱ ዲብ ሸርሐ። “ዐረብ ብትርል ምን ሶም። ሕነ ማይ ብነ!” እሊ በሀለት። 80 ምእታይት ማይኒል አሰክ ሱዳን ወመሰር ሰበት ልውሕዝ። ክም ሰለሕ ሐለት- ሰዶሰት እግል ንትነፈዕ እቡ እንቀድር” ቤለ። እሊ ተፍኪር ናይለ አንዝመት ወመሻክሉ እት ወክድ- ወክዱ ቱ።

እለ ቅድየት ኒል ላኪን። ናይ ክራም ወያኔ ቅድየትም ኢኮን። ምን ሰነት 1993 ወእንዜ እት ቅድየት ለአተው። ዋክሐ ወዳሩክ ለህለው ምን ቶም ምን ልትበሀል። ምስለ ድንኪክ መንጠቀት ወገውር። ዶር ናይ መሰር እግል ለዐንቅፎ ማይ-ኒል እቡ ለዋሩ አንዝመት ዐለው። እት ተፋሲል እግል እቱ ይሐዜ ላኪን። ቅድየት ኒል እብ ዳረትት ካርጅ ተ ትትቆቀሰ ለእንሐት። እት ሰነት 2011 ከዋን ሚሊንዮም እግል ልትሸቄ ምን ለአነብት ወእንሰር። ምን ቶም መወሉ ወለአዩዱ ለዐለው። ወእብ ከአፎ እትለ ደረጃት እለ በጽሐ ረኤክ ምን ገብእ። ሰኔ ሕቡልክት ወመትአታይ ለብእት ቅድየት ቱ። እለ ቅድየት ናይ ሱዳን። አቶብየ ወመሰር ተ ምንመ ልብሎ። እግል ንትቀሸሸ አለብነ። ለቅድየት እቶም ለትትከ’ለብ ኢኮን። ምኖም ወኬንመ ቅረመ በ። ለቅድየት ደግሸ ናይ አጃንዳት ቆቅሰ እግል ለሀሌ ሰበት ቀድር። እግል ትትባለሕ ዲብለ ኢትቀድር ደረጃት ህሌት።

ለከዋን አዜ እት ተምም መጽእ ሰበት ሀሎ። ለቅድየት አዜ ትቆቀለት። እግል ሚ ቀደም 5 ሰነት አው 10 ሰነት ኢሐሶሴት? ወእግል ሚ እት መደት ሰልፍ ለከዋን እት ልትሸቄ ኢቀንጸት? ቃንጸት ክም ዐለት ልትደገም ላኪን። ሕሰር ውቁል ኢትሀየቦየ። እሎም አዜ እትለ ቅድየት ልትሃገው ለህለው። ለዶል ሰበት ለአመው ትም ብህላም ለዐለው። አውመ ሀረሚት መንጠቀት ወዐለም እግል ለአፍረሐ ጅሙላም ምና ለዐለው ቶም። አዜ ላኪን። አቶብየ እትለ ሓለት መትዐደዩት ወሱዳንመ እት ክምሰልሀ ዲብ ለህየ። እለ ቅድየት እግል ትባልሐ ምንመ ተሐዜ ልትቀደር ገብእ?

እሊ ረአይና ቱ። ብዕዳም ልትከቦቱ ወኢልትከቦቱ እበ ለኢከሰሱ። ለቅድየት እብለ አዜ ትሄርረ ለህሌት። “እት ውሕደት አፍሪቀ እግል ንንሰኣቱ። አሚርክ እግል ነአዜርና ቱ ወብዕድ አግቡይ ሕሉል እግል ንባሰር እላ ቱ” ለልብል ሀገራት እብ ጀሆኛ። ለቅድየት እበ መሐባልክ እንዴ ኢትትባለሕ እግል ትንበር ሓዚህ መሰል እኛ። አብካት ዶል ትረክብ ህዬ። መሰምስ እትሊ ባካት እሊ ትከልቅ። ሰበት እሊ። መዳንን ኒል ክፋል ናይ እሊ ምድር-ጎነ ሰበት ቱ። ቅድየቱ ዱቅሪ ልግበእ ወእብ ወለት-ገበይ ለተምትመናተ። እብ ከአፎ ክም ትትባለሕማ ትከሰ’ነ። ሰዶሰትነ ህዬ ዲመ። እትሊ ገውር ለሀለ ሸዑ። እብ ፍንቱይ 110 ሚልዮን ሸዑ አቶብየ። 40 ሚልዮን ሸዑ ሱዳን ወ100 ሚልዮን ሸዑ መሰር ምስል ዶል ነሓብር። ለዋዋት ኒል 250 ሚልዮን ሸዑ ብእቱ። እት ቀበት 25 ሰነት ህዬ እሊ ዕልብ እሊ እብ ዕጹፍ እግል ልወሰክ ቱ። እሊ ርቅዝ ማይ እግል መጽእ አጅያል

እብ ከአፎ ክም ተአትባጽሑ፡ እት መጃል ቴክኒክ፡ እግል ጣቀት ቱ ትትነፈሶ እቡ መእግል ሲቶ፡ ነግፈት ወሐርስ ትትነፈሶ እቡ፡ እንዴ ትገሌክ እግል ልትሀደግ እቡ ቀድር። ለትሰረረተ፡ ምርትክ “አነ ሴድያይ ወመአይዳይ ብዬቱ” እት ልብል ቅደይ እግል ለሐባልክ፡ ዋጅብ ኢኮን። እግል አጅያል ብዙሕ ክም ከድም እግል ትሕሰብ ሀለ እግልክ። እት ዐማር ወሰዳይት እግል ተአውዕሉ ትቀድር። እብሊ መካይድ እሊ፡ ለምሽክለት እብ ሻፍገት ባልሐተ ልትረኤ ኢሀለ። እሊታት እት ቀበትለ ገወውር ለሀለ መሻክል ቱ።

እለ አዜ ትትሳወር ለሀሌት ቅድየት ሕዱድ ሱዳን ወአቶብያመ፡ እብ አማን ተአትፈክር፡ እግል ሚ አዜ ቀንጸት ወዲብ አፍ ወሳይል እዕላም ትውዕል ሀሌት! ዐጃይብ ቱ። ሰኒን ብዙሕ ተሀንጦጥል ለጸንሐት ቅድየት ቱ፡ እት ሱዳን ለሐክም ለዐለ ሙእተመር-ወጠኒ እት ለአምር ልትነፈሶ ምነ ለዐለ ቅድየት ቱ። ምስል ወያኔ እብ ዐለት ዕላቀት ልግበእ ወብዕዳም መሳኒቶም፡ ልተልሀው ዲብ ለዐለው ቅድየት ቱ፡ እግል ሚ አዜ ተሐሶሴ ሀሌት እግል ልትአመር ቡ። እብ ፍንቲት አቶብዩ ወሱዳን እት መደት መትዐድያይት ዲብ ሀለዩ እግል ሚ ፍተን ልትቀረሕ ዲበን? ዲብ ደግሽ ዐስከሪ እግል ትትዐዴ ህዬ ሚ መስለሐት ወአሰባብ ብእተ?

እለ ቅድየት ሕዱድ፡ ሐሬ እብ ህዱእ እግል ትትረኤ ልትቀድር፡ እተ ሐልፈዩ 25 ሰነት እት አቶብዩ ወክርቱም ለዐለ አንዘመት ለተልሀ እብ ቅድየት ሰበት ቱ፡ እት ሐል ዳይም እግል ልትሐሰብ ቡ። ለቅድየት ናይ አቶብዩ ወሱዳን ኢኮን፡ ሳልሳይት ጀሀት እግል ቅድየት ተአትሳውር ሀሌት ልትበሀል ጸንሐ። እትለ መደት አዜ ህዬ፡ አቶብዩ ወሱዳን ለልአትብእስ ለገብአ ሰቡብ ሰበት ኢሀለ፡ ለቅድየት እግል ትትሀወን ወጅቡ። ምን እለ ናይ ፈሽቃ ወብዕድ አምዳር መሻክል ሕዱድ ወኬን፡ ዕላቀት ክልኢተን ድወል ለልአረቤሕ ተዩልል እቱ እግል ልትሐሰብ ወጅቡ።

እትሊ ባካት ልትረኤ ለሀለ መሻክል፡ እክቢቱ በሕ ሌጣ ቱ። አሮ ከሰብ ወአሮ ልትፈለል፡ እብሊ ለልትባለሕ መሻክል መንጠቀት ሰበት አለቡ፡ እብ ቀልብ ወአግቡይ ናሴሕ እግል ልትባለሕ ለቡ ቱ። ቅድረትነ ሕድድት ምንማተ፡ እብ ትትቀደረኒ፡ ኖሰ ለዲረት ፍክርነ እግል ንገልጽጽ፡ ለተጠውራት ዲብ ትርእዩ አምሸሾት ምኑ ኢልትከሀል። ሰበት እሊ፡ እብ ዓመት መሻክል ግዋሬነ ክም ናይ ሶማል፡ ናይ ግብለት ሱዳን፡ ናይ የመን ወብዕድ ለትፈናተ ቅደይ ሰበት ሀለ፡ እብ ሀዳአት ወንሳሐት ለኢልትባለሕ ሸይ ኢሀለ።

ሰበት እሊ፡ መበገሱ አጃንዳት ጋነ እት ገብእ፡ ናይ ከርስ መሻቀዩ-አመልህዩ ረክብ እት ሀለ ህዬ፡ ዝያደት ለልትኬለም ወልትሳወር ቱ። ሰአየት አለቡ እንዴ ትቤ ለትአዝም ምኑ እንዴ ኢገብእ፡ ሐል ለትባሰር እሉ ወአውለውያቱ ለትአበድር ቱ። አውለውያት አቶብዩ ወሱዳን አዜ ቅድየት ሕዱድ ፈሸቃተ? ለብዕድ ሰልፍ ለትልረኤ ጋራት ምኑ እንዴ አዘምክ ህዬ፡ ሐሬ ቅደይ ክም ተዓቀደ፡ አጊድ እግል ትባልሑ ልትቀደር ገብእ? ሰበት እሊ፡ ለቅድየት እግልና ዝያደት ሰበት ትከሰነ፡ ምስል ግዋሬነ በራምጅ መዓወነት ርሑብ እግል ለሀሌ እግልነ ሐቆመ ገብአ፡ መስኩብት አጥራፍነ እግል ትጥፈሕ ምን አውለውያትና ቱ።

**ሰአል፣ ፍንጌ ኤረትሮፕ ወደወል ምግባይ ምፍጋር ጸሓት ዝያድ ሆዩ ኸሊጅ ዐረብ ፅላቃትን ለከሰሰ ወራታት ገብእ ጸንሐ፤ እሊ ሆዩ ምን ሙብደእ ግውርነት ሰኔት ሰበት ቱ፤ እት ረአሰላ ፋዩሕ ወትሉሉይ ልቃአት ምሰለ ከሰሰን ድወል፤ እት ሐልፈ ወሬሕ ዲሰምበር ልኡክ ውቁል ናይ ሰዑድዮ ዲብ ኤረትሮፕ ዝያረት ዋዲ ዐለ፤ ምሰል እለን ድወል እት እሰትሰማር ወመትሰዳዳይ ዲብ እቅትሳድ ለልትግገሰ በራምጅ ሚ ሀለ? እት ቀድየት አድመኖት ደሐን ወአምን መንጠቀት በሐር ቀየሕ ልትጠወር ለሀለ መቅሬሕ ወሄራሩ ከአፎ ቱ?**

ርአሲ፣ ናይለ ብዕዳት እብ ሐት-ሐቲ እግል ንትሃጌ ዲቡ እንቀድር፤ ላኪን እብ ናይነ ጌማም ስያሰት ካርጅየት፤ ሰዑድዮ እትሊ አድሁይ እሊ አካን ፍንቲት ባ፤ ምሰለ ቅድም እንዴ እቤ ለሀደግክዎ አጽበጦት ሚዛን ናይለ ሰካበት፤ ክል ደውለት ናየ ሚዛን ሰበት ቤ ሚዛን ሰዑድዮ እብ ኩሉ መቃዩሱ እትሊ አድሁይ እሊ ቀሊል ኢኮን፤ እት ዐማር፤ ተጃረት ወክሰአት ረአሰማል ሌጠ እንዴ ኢገብእ፤ እብ አድመኖት ሰካበት ምን እንርእዮመ አካን ቀላል ኢኮን፤ ሰበት እሊ እግለ ናይ ገወውር ሰትራተጂን እት ዐቂብ-ሚዛን እግል ልሰዴ ለቀድር ሰዑድዮ ለተአሰትህል አካን ዶል ትጸብጥቱ፤ እግልን ለአምር ባይን ምንማቱ፤ ሰዑድዮ ዋጅበት አካን ጸብጠት ሀሌት መኢኮን ዲበለ ልብል ጋር፤ ዲብ መክሐደ ለነኡቴቡ አለብን፤ ቅድረትን እብ ለትሰመሐ ላኪን እሊ ዶር እሊ ዲብለ አድሁይ ለናፍዐት ተረቱ እግል ነአደቅብ ንትጸገም፤ እት ኤረትሮፕ፣ ኢትዮጵያ፣ የመን . . . አስተሰመርት ሌጠ እንዴ ኢገብእ፤ ሰዑድዮ እብ ቅያሰለ እሉ ትመልክ አርዛቅ ምን ሒለት መንጠቀት እንዴ ሐልፈት እድንያይት ሐዞት ለባተ፤ ክምሰልሁ ሰበት ቱ፤ ለተረተ እግል ተሐሰሴ (ትፍለሕ) ሀሌት እለ፤ እለ ሰትር ለአለበ አማን፤ አደሐ ጸዕደ እት አካን ኢጸንሐት፤ ብዙሕ አሸያእ ዲብ ሕሳብ ለአቱ፤ መሰአለት ፍድብ ወሕውንነ ናይለ መምለከት'ማ ኢኮን፤

እሊ አዜ እትለ ሐልፈየ ሰኔታት ሐ-ዳት ለአብሀዘ መካይድ እብ አማን ሰእየት ለለሀይብቱ፤ እግልሚ፤ ለጸንሐ ወአዜ ለሀለ ሄራር እብ አማን ምሰለ ዳይናሚክየቱ (መትባድላይ ተየልሉ) አካን ሰኔ እንዴ ሐጠጠት፤ እትለ መንጠቀት ሐዞት ሰኔት እግል ተአውፊ ሰበት ትቀድር፤ ፈሀም ሕበር እግል ለሀሌ እነ አተላላይ ለቡ ጅልሳት ወመቅሬሕ እንወዴ ጸንሐን፤ እብ ፈድሉ ሆዩ ሞዳይ ሰኔ እት ልትከለቅ መጽእ ሀላመ እግል ኒበል እንቀድር፤

ለአግደ አሀምየት ለብእቱ፤ ፈጅር እት ክሰአት ረአሰማል ወተጃረት፤ እት እቅትሳድያይ መትሰድዳይ ሚ መጽእ ኢኮን፤ እሊ ኖሱ ለተሌቱ፤ አወል ወቀደም ክሉ ፈሀምን አክል-ሕድ እግል ልግበእ አውመ ሰኔ ለትቀራረብ እግል ልግበእ ለአትሐዜ፤ ሕነ ለተሀመነ ሆዩ እሊ ፈሀም እሊ እግል ንክለቁ ወጅበና፤ እግል ልትከለቅ ገአ ምንገብእ ሆዩ እብ ለትፈናተ ፍጥር መትቃራብ እግል መክሰብ



ዲብ ሶማል፡ ምስል እለ እተ ሀሌት ሓለት ለደውለት ቴለል ከርሰ እንዴ ኢተአጠፊሕ 3,300 ኪሎ ሜተር ለሪሙ ግንራራብ በሐር እብ ተአሰትህል እግል ትራቅቡ ወድድ እርሃብዩን አው መርዕበት ላቶም ቀራሰነት፡ ኢቃኑናይት ተጃረት ውበዕድ እግለ አድሁይ እት ብቆት ለካሬ አፍዓል ዲብ አምከኖት፡ መሻረከት ዋቅየት እግል ተሀሌ እለ ኢትቀድር። ጅቡቲመ ለክምሰልሀ። የመን፡ ኤረትርዮ፡ ሰውድየ ዲብ ክለን፡ እለ ለትመሰል በቃዕት እግል ትትክለቅ ኢትቀደረ ምንገብእ፡ እብ-አማን እት በሐርቀየሕ መትሰዳዳይ ሀለ እግል ኒበል ይእንቀድር። ለጀሀት እቅትሳድየት ሌጠ እንዴ ኢትገብእ፡ ላመ ጀሀት አምንዮት አሀምየተ ዐባይተ። ለእግል አምን ወመሰኩብት ለአበቄ ለሀለ ቴለል እንዴ ኢምሐኮ፡ እት መትሳድዳይ እቅትሳድ፡ እስትሰማር፡ ዐማር ወተጃረት እግል ትህደግ ሰበት ኢትቀድር፡ ክሉ እብ ክምኩም እግል ልትሸቄ ዲቡ ለአሰትህል።

ከሚ በራምጅ እት ዐመል ወዐለ እንዴ ኢገብእ፡ ለሓለት ምሰ'ላ እሉ ነሐዜ ሀሌነ ቀረድ ጀላብ እግል ቲጊሰ እነ፡ ሰልፍ ለአርድየት እግል ንመድምዳ ብነ። እብ ትሉሉይ ንትሃጌ ወንትፋሀም እቱ ለሀሌነ ጋር ሰበት ቱ ህዩ፡ ለተፋሲሉ እንዴ አጽነሕነ መርበይ ሰኒ እጽቡጣሙ ሀሌነ። ኩሉ እለ፡ ምስል ደሐን ወመሰኩብት ሞዳይነ ለገይሰ ሰበት ቱ፡ ለመቃረበት አሰኩ ሀሌት፡ እት ወክድ ሐጨር ሀዩ ሰኒ እሱዱራም ሀሌነ። እለ ላኪን ተሐድያት አለቡ በሀለት ኢኮን፡ እብ ለትፈናተ አግቡይ ለሄራር እግል ልትከሎ ለልሐዙ አውመ እግል ለዐንቅፍ ለቀድር ተየልል ሀለ። እለ እንክር እንዴ ሐደግናሁ፡ ክለ ለሓለት ጣፍሐት ወሰኒ ትገይሰ ሀሌት እግል ኒበል ይእንቀድር። እግሉ እንዴ ፈሀምን እግለ ምሽክለት እንዴ ወርኬነ አሰክ ውጢት ሓለት መትሰዳዳይ እግል ኒጊሰ ለትከረዐነ አሉብነ።

እት ደንጎቤ አዜ ሓለት የመን ምን እንረኤ አው ዲብ እለ አድሁይ ለሀለ ቴለል ረኤነ ምንገብእ፡ ለዲቡ፡ ሰብ ጋር እንዴ ገአው ልትሐረኮ ለሀለው ናይ መናጥቅ ወዐለም ሓይላም ሕነ ለልብሎ ጀሃት፡ እትለ ቀድየት ገይሶ እቡ ለሀለው መካይድ እግል ለአብሀጀነ አለቡ። ምናተ ለሓለት ሰኒ እግል ንቅረኤ፡ ወእብ ተአሰትህል እግል ንታብዖም ሰበት ብነ፡ እለ መሰል መሐለኪትማ ሰበት ሀለ፡ ሕበር እግል ንዋጅሆ ወንትሻፈፎ ብነ እንዴ እንቤ እንገይሰ ሰበት ሀሌነ፡ ዮም ዓመት ሚ እንወዴ ወዓመታመ ሚ ክም ተሌ እንገሚ ዲቡ። ለአግደ ጋር ላኪን ለሓለት ወለዋቅዓ እግል ልትሳነየ ብእተን። እትሊታት ህዩ፡ እት ወክድ ሐጨር ሰኒ ቅዱማም ሀሌነ።

**ሰኣል= ሕኩመት ኤረትርዮ ገሸለት ኮሮን ቫይረስ ምን ለትረኤት ዲቡ ወቅት፡ ዲብ ቡዳለ መረድ ለሰዴ ምሰዳራት እት ትነሰእ ጸንሐት ወሀሌት። ለመዳፈዕት አሰክለ ሐልፈ ወሬሕ እብ ክሉ መቃይሰ ዕውትት ምንመ ተዐሌ፡ አዜ ላኪን ካልኣይ ደገሰለ ገሸለት እንቡት መሰል። ከዲብ እለ ጋሪት እለ በሰር መዳፈዕትነ ከአፎ እግል ልግበእ ቡ? ለናይ መዳፈዕት መቅደረትነ እግል ትደቀብ። መራክዘ ብሐሰ ዓፍየት እግል ልፍየሕ፡ ክምሰሌሁመ መቅደረት መኣሰሳት ዓፍየት እግል ትትወቀል፡ ለትኤተነ በርናምጅ ሚ ሀለ?**

ርእሱ፡ “አይወ፡ ቀደም እላመ ሸሮሕ ዐለ፡ ላኪን ለሀደፍ ማም ለእምብሉ፡ ሸርሐ ክቡድ ኢኮን። ምጽአት ኮሮን ለበሀለት ላኪን፡ እዕላን ትደገጎ ቱ። ለሰኣል ለዐቢ ላኪን፡ ምን እብ ሳዐት ሳዐተ፡ አምዕል አምዕለ ወወሬሕ ወርሐ ለትትቀያየር ሐብሬ ሚ እንቀድር ወሚ ይእንቀድር እንዴ ኢገብእ፡ እግል መዳፈዐት ኮሮን ልግበእ ወብዕድ ሕማም ዐደዮ፡ ምለዐል በራምጅ ብዕድ ሐለት እቅትሳድ ብክ፡ ወእሊ ወእሊ እግል ኒዴ እንቀድር እምብል ሐቆ ሀሌክ፡ ለሐለት እቅትሳድት፡ አምን፡ ደቅብ በራምጅ ዐማር፡ ወምስል ሕፍዘት ወደሐን ስያደት ወጠን ለልትጸበጥ በራምጅ ኩሉ ዲብ ሐለት ሸዐብን ለረከዛ ቱ። ሸዐብ እግል ልትደቀብ ቡ። ሸዐብ እግል ልተረድ ሀዩ አሮት ምን ዐባዩ በራምጅ ከደማት ማፍየትቱ። እሊ ሀደፍ እሊ እግል ነአክድ፡ ከደማት ማፍየት እብ ለሀ ወብዕድ ስታቲብ እንዴ አፍገርን ነሄርር ዐልክ። ምናተ ለዲብ ፍንጌ ስታቲባት ወፈዳልየቱ ለሀለ ፈርግ እብ ዋጅብ እግል ነአምሩ ብክ። ከእለ አዜ ማጽአት ለሀሌት ብቆት ገሸለት ኮሮን ሻይረሰ፡ ምን እሊ ለእምቤሉ እንዴ ይእንፈንትዮ፡ ለሀሌት መቅደረት መአሰሳት ማፍየት ከአፎቱ፤ ዕያዳት፡ መራክዝ ማፍየት፡ ክሊኒካት፡ እሱብዳልያት ወብዕድ ናይ በሐስ ወፈሐስ መአሰሳት ዲብ ሚ ደረጀት ሆለ፤ ዝያደት ሀዩ፡ ርዝቅ አዳምን ምስለ ከደማት እንዴ ልትመጣወር ከአፎ ልትጌመም ወልትመሳኔ፤ አክረቱ፡ እንዴ ኢነአትራዝቅ፡ መቅደረትን እለ ለትትረኤ ሀሌት ተ እንዴ እምቤ ነአምብት። ክም መበገስ እግል ልግበእ እግልክ፡ እግል ንብነዩ ለብነ ምን ዐሰብ አስክ ቅሮረ፡ ሐሬናይት፡ ትሰነይ፡ እም-ሐጀር ወእት ኩሉ ጀፈር-ጀፈር ለሀለ ብሩር፡ መትመዳድለ ከደማት ማፍየት ለለሀይብ መአሰሳት ሚመስል፤

ለጋሪት ናይ መባኒ ኢኮን። ክሊኒካት፡ ዕያዳት፡ መራክዝ ወእሱብዳልያት ሆለ እንዴ ኢገብእ፡ ሚ ጽበጥ ወመቅደረት ቡ፤ እብ አውለውየት እሊ መአሰሳት እሊ እብ መቅደረት አዳሙ፡ መትመዳዳ፡ ወነድቅ ደረጃቱ ከአፎ ሆለ፤ ምን ክሊኒክ አስክ እሱብዳልያት ዐባዩ ወምስል ብዕድ ከፈፍሉ፡ ለመትዝሙ ወእግል መዳፍዐት እሊ ለመስል ሕማም ዐደዮ ለሀሌት እግል፤ መቅደረት ክእልልት አክል አያተ፤ ሰብ መቅደረት ማፍየት፡ ለትፈናተ ተጃርብ ለገም፡ ቴክኒሻናት፡ ሰብ መቅደረት በሐስ ወፍሐስ ብነ ገብእ፤ እግሉ ለገብእ መትሻቀዩ ሀዩ ብነ ሚ አሉብክ፤ ምለዐል ኩሉ ሀዩ ናይ በሐስ ዕልም ማፍየት መቅደረትን ወብዕድ ጋራት እብ ተአስትህል እንዴ ኢትጌምም ወኢተአትዳሌ፡ ኮሮን መጽአ ወእብሊ እግል ንዳፍዑቱ እንዴ እምቤ እግል ንትሃጌ ይእንቀድር። እሊ ዲብ መደት ኮሮን ማጽአት ለሀሌት ክርን ንጋረት ብቆት ሀዩ፡ እግል መስተቅበል ደማት ለለሀይብ መአሰሳት ማፍየት ወእግል ለትገብእ መቅደረት ጀላብ እግል ንብክ፡ ለሸቅል ፈጅር ወሐቆ ፈጅር እንዴ ይእምብል ምን አዜ እግል ልትአንበት ቡ። አዜ እግል ዶሉ መራክዝ ፍሐስ እተየ ወእተየ ትወዴ፡ ፍሐስ ከአፎ ትወዴ፡ ቅያስ አዳም ከአፎ ትጀምዑ፡ ለሀሌት ሓለት እብ ከአፎ ትራቅብ፤ አካናት ከልከሎት፡ እለ አዜ ተአናብት ለሀሌት ክታበት ከአፎተ ወምን አየ ተአመጽአ ኢኮን ለሰኣል።

እግል መደት ረያም ለገይስ ናይ መስተቅበል በራምጅን እት ፍዕል እግል ነአውዕሉ ገብአን ምን ገብእ፡ እሰልፍ መቅደረትን እብ ኩሉ እንክራተ እግል ትትአመር ቡ። ምስል ምን እግል ንትሳዴ እንቀድር፤ እብ ደረጀት ዐለም እግል ልትዓወን ምስልን ለቀድር ምን ሆለ፤ መቅደረትን እግል ነአደቅብ ሀዩ ሚወሚ ክም ለአትሐዜን እግል ነአምር ብክ። ከለ ስታት ሌጠ ለዐለ፡ ዲብ ወቅት ቅዩስ ወፈዳልየት እግል ንበድሉ ብክ። ምን ሐረስ እሊ ጌማም እንዴ ገብኡ፡ ለመትመዳድ መአሰሳት ማፍየት ዲብ ወጠን ክለ ወዝያድ ኩሉ ሀዩ እተ አግቡይ፡ መዋሰላት፡ እትሳላት፡ መዳርሱ፡ ከህረበት፡ ዕያዳት፡ ማይ ወብዕድ ከደማት ምን ለአለቡ አስክለ እብ ንዛም ወተክጢጥ ብኩይቱ ለእምብሉ መዳይን ወሸብሀ መዳይን እግል ልትመደድ ወጅቡ። እሊ ከደማት እሊ እግል ነግቤ ሐቆመ ገብአክ።



ዝያድ ኩሉ ርዝቅ አዳምን ምን ሰነት እት ሰነት እብ ምህነት ወዕልም እግል ነግቤ ለአትሐዜ። እትረአሱ። ናይ እቅትሳድ መቅደረትናመ እግል ንሕሰብ እበ ሰበት ለአሰትህለኑ። እግል አደቀቦተ ሚሒለት ብኛ። እግል ካርጅ እዳክ እንዴ መደድክ ሀቡን እግል ቲበል ሌጠ እንዴ ኢገብእ። ዲብ ካርጅ በራምጅ መወወነት ለተአደቅብ ፅላቀት ፋይሐት እግል ነአሰሰ ብኛ። ሰበት እሊ ኮሮን-ኮሮን ሌጠ እንዴ እምቤ እግል ንፈንትዮ አሉብኛ። ለእሰልፍ እግል ኒደዩ ሉብኛ። እሊ ሕማም እሊ ሰበት ኢነአምሩ ሌጠ እንዴ ኢገብእ። መቅደረትመ ሰበት አሉብኛ። ለተአትፋግረን መዳፈዐት ሌጣተ።

ሸዑብ ለተአትሐዜ ሐብሬ ዲብ ወቅተ እግል ልርከበ ቡ። ለእብ ዔማታት አክባር ወብዕድ አግቡይ ገብእ ለሀለ ጅሀድ ፍገሬቱ እብ ፍዕል እንርእዩ ህሌኑ። ነዳፊት ነአክድ። ዕማም ኒዴ። ለልትሀዩብ መምሬሕ እንዴ ሐሸምን ዲብ ፍዕል ንተርጅሙ። ምን ለኢለአትሐዜ ተጃምዕት ኒሪም። እግል መዳፈዐት ለለአትሐዜኑ መትዳላይ ኒዴ። እሊ ኩሉ በራምጅ ለለወውት ህዩ ሐብሬ ሱብ መቅደረት ዓፍዩት ሌጠ እንዴ ኢትገብእ። ፈሀም ናይ ሸዑብ። ሐብሬ እምበል አትካራም እግል ተሀሌቡ። ለፈሀም እግል ኖሱ ርዝቅ። ከሕን ምሰ'ለ ህሌን ዲቡ ወቅት ለገይሰ ኤታን እንዴ አፍገርን እት ፈዳልዩቱ እንከድም ሰበት ህሌኑ። ለነቅሰት ምኒን እንዴ ነአ'ታምም ነሄርር ህሌኑ። እሊ ህዩ። ምስል ዲብ አግዋርን በሀለት ዲብ ሱዳን። ምግባይ ምፍጋር ጸሓይ። ኢትዮጵዮ። ሶማልዩ ወዲብ ድወል ግዋሬን ብዕዳት ለህሌት ሓለት አዜ ሰበት ተምትመኑ። ወእብ በይ'ን እግል ንሕሰብ ወንሸቄ ሰበት ይእንቀድር። እብ ከአፎ ክም ንትሳዴ አርት ምን ልትሸቄ እቱ ለሀለ በራምጅ። ዲብ ደንጎበ መቅደረትን ባሕ ምንመ ተሀሌ። ምስል ወቅት እንዴ ንትባደር ወንትመሳኔ ነሄርር ሰበት ህሌኑ። እግል ረሀዩት መሰተቅበል ንትዳሌ እግሉ ክም ህሌን አመሮት ካፊቱ። ምለዐል ኩሉ ሳኪን። እግል ለወውተን ለቀድር ርዝቅ አዳምን ወፈሀም ሸዑብን ሰበት ቱ። ዲብ ሰነት 2021 ለሀለ እግልን መአሰሳት ዓፍዩት እግል ነአደቅብ እንከድም ህሌን”።

**ሰአል= እሊ ሕማም። እብ ደረጃት ዐለም ለሰበባዩ ከሳር እቅትሳድ እግል ክሉ ዋድሐትተ። ዲብ ዐድናመ እግል መንገፎ ሸዑብ እንዴ ትብሀለ ለትነሰአ ምሰዳራት አብጠሮት ወራታት መአሰሳት እቅትሳድ ዲብ መንበረት ሸዑብ ካልቁ ለሀለ ጨቅዋ ቀሊል ኢኮን። ክለ ሀለ ጨቅዋ እግል አቅለሎት ሚ ሕሰብ ሀለ?**

ርኢሰ= “አን ለመሻክል ብዕድቱ እብል። እትለ ዐድ ናይ ትጃረት መሻክል ኢሀ'ለ። ናይለ ጸንሐ እግልን ተፍኪር መሻክል። እብ ሰብብ ገሸለት ኮሮን ሻይረሰ ለትአዘ አሸቃል እቅትሳድ ሀለ እምብል ህሌን ምን ገብእ። ነአትራዝቅ ህሌኑ። ለተፍኪር ሸቅል ዐማር ምን አሳሱ እግል ልትአመርቡ። እቅትሳድ። እቅትሳድ ሸዑብቱ እንዴ ቤለ ለልትሃጌቡ ሀለ ምን ገብእ። ሚ ጅንሰ እቅትሳድ። እቅትሳድ አኩት። ምን እዴ ዲብ አፍ ለትነብር እቡ እቅትሳድ ሌጣቱ። ናይ አማን ለለአፈሬ። እተይ ብዙሕ ለቡ ወዲብ ደረጃት ደቅብ እቅትሳድ ባጽሓም ኢህሌኑ። መሳኔዕ ዐባዩ። መአሰሳት ሰናዐት ብቆዕ ምስል መትሻቀዩሁ። ለናይ ሐርስ በራምጅን እብ ለተአደሚዕ ፈዳልዩት ወመትሻቀዩ ቱክኖሎጂ። ሐዙት እተዩ እግል ነግብዩ ወጅብኛ። ሰናዐት ህሌት እግል ኒበል ይእንቀድር። ከእሊ አዜ ለህሌን ዲቡ እቅትሳድ። ናይ ሼቀኖት እቅትሳድ ሰበት ቱ ምኑ እግል ልባልሐን ለቀድር በራምጅ እንዴ ኤተነ እንከድም ጸንሐኑ። አዜ እብ ሰብብ ኮቪድ-19 ለትደበአ ወሸቅል ለትከልአ መአሰሳት ሀ'ለ ምን ገብእ። ሚ ለመሰል መአሰሳት ቱ። እሊ እግል ንፈርግ ህዩ። ዲብ ሰነት 2021 እግል ንሸቀዩ ሉብኛ። እብ ወዛረት ትጃረት ወሰናዐት ለትትመረሕ ወብዕዳም

ለከሰሰም ለሻርኮ ዲቦ ጀሀት እንዴ ተአሰሰት ትከድም ሀሌት። ለጸንሐ መአሰሳት እቅትሳድ ትጃረት፤ ክስአት ማል ውብዕድ ለከሰሰ ጌማም ልግበእ ትብሀለ።

ረአይ ናይላ ማልዬ እግል እክሰእ ወእግል ዐምርቱ ለልብል፤ ወእብ ዐቢሁ ህዩ ለሸዐብ መቅደረት አፍረዮቱ ዲብ ሚ ለትመሰል ደረጀት ህሌት? እግል ዐቦተ እብ እስዉ መርበይ እግል ንምርሑ ብነ፤ እተ ዲብ ሰነት 2021 ለእንሸቅዩ ሸቅል እግል ልሱዬን እንዴ እምቤ ለአፍገርናሁ ዐገል አውመ ኤታን ሀለ። እት ሚ ወሚ እግል ንረክዝ ብነ፤ ሸቅል እብ ሸቅል፤ መአሰሰት እብ መአሰሰት፤ ወራት እብ ወራት እንዴ ትደረሱ፤ ፈጅር ለለክሰሰብን እሊ ወእሊቱ፤ ምን እሊ ለህሌነ ዲቡ እቅትሳድ ምን እዴ ዲብ አፍ እግል ልባልሐነ ለቅድር ሸቅል እሊቱ፤ እንዴ እምቤ እተ ለሐሰ እተይ እቅትሳድ ለለአበጸሐነ ትልም ወዐገል እግል ነአፍግር ብነ።

አማንተ፤ ገሸለት ኮሮን ኢተምትመነ እግል ኒበል ይእንቀድር። ላኪን ኩሉ ዲብ ኮሮን ለክልቀዩ መሻክል እግል ነአተንክቡ አለብነ። ኮሮን ክም ናይ ዶሉ መታክል እንዴ ነስአናሁ፤ ለዲብ ዐማር እቅትሳድ እግል ንታለዩ ለብነ ህደፍ፤ ምን ሐዲስ እንዴ አትሓየሰነ፤ ለገብእ ጌማም ዓም እግል ኢልግበእ እብ ተፋሲል እግል ልግበእ ቡ። ከለ ቅድየት ኮሮን ለሰበባዩ ድዕፍ እቅትሳድ ኢኮን። ለሀለ ፈሀም ራቴዕ ኢኮን። ክም መሰል ምስል ስያሐት ለልትጸበጥ መሻሬዕ ምን እንረኤ፤ ክም ፈናድቅ ከብቴ ጋሻ፤ ክም መሻሬዕ ክስአት ረአሰ-ማል ስያሐት እሱሰ ሆለ፤ ምስለ እቅትሳድን እንዴ ትመሳነ ለገይሱቱ ገብእ፤ ምን ሐረስ እሊ ለትንክባነ እተ እብ ፍዕል እግል ነአፍሬ ዲቡ ለእንቀድር አሸቃል እግል ልረክዝ ለአሰትህሉ። ለሸቅል እት ደንገብ፤ እብ እተይ ወደረጀት አፍረዮትቱ ለልትጌመም። ከእሊ እብ ከአፎ ተዓብዮ፤ ርዝቅ አዳም ቡ ሚ አለቡ፤ መትሻቀዩ ብነ ሚ አለብነ፤ ተምዊል ማል ረክብ ሚኢኮን ወእባዩ ገበይ እግል ልሸቄ ወልትዐወት ክም ቀድር፤ ሐቴ እብ ሐቴ እንዴ ትሚመ ወትቀየመ፤ አሰክ ፍሬ ወቀናዐት ለለሀይብ እተይ እግል ለሄርር እብ ለትአተቅድሩ ሰለል-ትልም እንዴ ፈግረት እሉ፤ እት ረአሱ ፈሀምን ክም ነዓቤ እግል ነአውቄ ወጅብነ።

ከእሊ አርእስ እሊ እንዴ ተማተምከ ለልትሐለፍ እንዴ ኢገብእ፤ እህትማም ዐቢ እግል ልትህየቡ ለቡ፤ ምስል ናይ መስተቅበል በራምጅ ዐማርን እንዴ ትመቃርሐ እግል ለአሳድር ሰበት ለአሰትህሉ፤ ናይ ፍንቱያም ሰብ መቅደረት ጋራት እንዴ ኢትገብእ፤ ፈሀም ናይ ሸዐብ እግል ልትሓበረ ሰበት ቡ፤ ምን እሊ ጸብጣመ ለህሌነ ሰነት 2021 ወሐር እብ ደቅብ እግል ንክደም ዲቡ ለብነ ጋርቱ። እህትማምን ዲብ ቀበትነ ሌጠ እንዴ ኢገብእ ምስል ሓድረት ሓለት አግዋርን እንዴ አትመሳኔን እሊ ወእሊ በራምጅ ወመሻሬዕ መዓወነት እግል ንሸቄቱ እንዴ እምቤ እብ አውለውየት እንዴ ረተብነ እት ፈዓልየቶም ለእንሸቄ በራምጅ ሰበት ህለው፤ እብ ለህሌት ገሸለት ኮሮን እንዴ ኢነአትመሳምሱ፤ እሰልፍ ለሀለ እግልን መታክል ንፈርግ፤ ወሐሬ ሐል እግል ንሕዜ ንትጸገም። ከለ ተፍኪርን ዲብ ኮሮን ሌጠ እንዴ አትሐጨርናሁ፤ እቅትሳድን እብ ሰበብ ገሸለት ኮሮን መደረት ገብአት ዲቡ ብሂል፤ ጭብ ፈሀምቱ። ምኑ ወኬን እንዴ አፍየሐነ እግል ንሕሱብ ብነ”።

**ሰኣል= ሓይሰ ርኢሱ ዝያደት ተውዴሕ ለልአትሐዝዩ፤ ዲብ ለሐልፈት መናሰበት ዓድ ሕርየት ለቀደምካሁ ሸሬሕ፤ አውለውያት ለተህየባዩ በራምጅ ዐማር ፋዬሕ እብ ተፋሲል ቅዱም ዐልከ። ከከም ክፋል ናይ እሊ ሰታት ዓም፤ እትለ ሰነት ጎነ አውለውየት እንዴ ተህየባቱ እግል ልትሸቄ ኢቱን ምን ሀለ በራምጅ ለትከሰስ ሚ ሐብሬ ተህይብነ።**

ርእሱ= “ዲብ ኦርት ቮቅል ሕዳድ እንዴ ረከዝ ወአውለውየት እንዴ ሀብን እግል ነአውቁ እንቀድር ገብእ፤ እሰልፍ ለሀላ እግልን ሸቅል እብ ዓ’መት እብ ቀደም-ትሌ ተርቲብ እግል ነአጽብጡ ብነ። ሐቆ እሊ እሰዋተ ለአውለውየት ለአትሐዝዩ እንዴ እምቤ እግል ነወራቤ ወንፈናቱ እንቀድር። መሰለን መሻሬዕ ዐማር ማይ እብ ደረጀት ወጠን ሀላ እግልን ኒበሉ። ለሀላ እግልን ርዝቅ ዐማር ማይ አክል አዩቱ፤ ርዝቅ ማይ፣ ምስል ማይ ዝላም ለልትጸበጥቱ። ዩምክን ማይ ሐንቴ ምድር፣ ምለዐል ምድር ወማይ በሐር እግል ኒበል እንቀድር። ሸዑብ ለልትሰቴ ማይ ጭሩይ እግል ነአትዳሌ እግሉ ብነ። እት ረአሰ እሊ፡፡ እግል ነዳፈት፣ እግል ሲቶ ንዋይ፣ እግል መሻሬዕ ዐማር ሐርሰ ለለአትሐዜነ ማይ ወአሀምዮቱ ሆለ። ሰበት እሊ ማይ እሰትራተጅየት መስተቅበልቱ። ከለ ከደማት ርዝቅ ማይ ዲብ መዳይን ወሸብሀ መዳይን ሌጠ እንዴ ኢገብእ፡ ዲብ ብሩርመ ለናይ ከደማት ማይ መትመዳድ እብ ፍዕል እግል ልትአከድ ለወጅቡቱ። እብ ደረጀት ወጠን ሰነት-ሰነት ለእንረክቡ ቅያሰ ማይ ምን አካን ዲብ አካን እግል ልትፈናቱ ቅድር። ምስል መካሪት ምድር እንዴ አትመጣወርነ ለምን ዝላም ለእንረክቡ ማይ እብ ተማሙ እግል ንራቅቡ ወንትነፈዕ እብ፡ እብ ደረጀት ወጠን ለፈይሐ በራምጅ ካረሮት መዳንን ሸቅል ሆለ። እሊ ህዬ፡ ምን እብ በዳይል ለልትሸቁ ሸቅል ቀሊል አስክ ምግባይ ወዐባዩ ከዛናት ማይ እግል ነአትዳሌ ብነ። ከለ ሀላ እግልን ርዝቅ ማይ እግል ንትነፈዕ እብ እሰልፍ ዲብ ሐንቴ መራቀበትን እግል ኒደዩ ብነ። እሊ ህዬ ፋዬሕቱ። ሰነት-ሰነት ሚ እግል ንሸቁ ምኑ እንቀድርመ እግል ንፈርግ ወጅብነ። እሊ ህዬ በራምጅ ሸቲል እንዴ ወሰክን ዲብ፡ ለሸቅል ለሸዑብ ኖሱ እግል ልሻርክ ዲብ ወጅቡ።

ካልእ እብ ክሰሱ ከሀረበት ምን ንትሃጌ፡ እሊ ለሀላ እግልን ከደማት ከሀረበት ለለአትናይት ኢኮን። ሐቆ ሕርየት ለአንበተት ናይ ጣቀት መአሰሰት ከሀረበት ዐለት። ህተ ህዬ እብ ቅያሰ 120 ሚጋ ዋት እግል ፍንቱይ አካናት ክድመት እግል ተሀብ እንዴ ትበሀለት ቱ ለአንበተት። ምናተ እለ መአሰሰት እለ እንዴ ተሀጎጌ ዲብ ደረጀት ባሕ ትከሬት። ለቅሰተ ረያምተ። እግል ሰነዋት ለገብአ አትሳናይ እንዴ ኢትሰኔቡ ትደመረት። ዲብ ገደም ለሀላ መሰነዕ አሰመንቲ እግል ልሸቁ፣ እብ ሐለት እለ መአሰሰት እለ እግል ልሸቁ ሰበት ኢቀድር ናይ ኖሱ ጣቀት እግል ተሀሌ እግሉ፡ ዲብ ሰነይ፡ አለቡ ወፋንቲ ናይ ርሑ ለቀድረ መራክዝ ጣቀት ከሀረበት እግል ተሀሌ እግሉ፡ ከርከበት ናዩ መርከዝ ከሀረበት እግል ለሀሌ፡ ወዲብ ቤት-ቤት ምን መቶራት እበ ለትትረከብ ክድመት ከሀረበት ሐል ለትረከብ ቅወት ከሀረበት አለቡ። እሊ ህዬ፡ መሐገዝ ለአምጸአዩቱ። እብ ባካት-ባካቱ ገብእ ለሀላ ሸቅል ከሀረበት እግል ዶሉ እግል መትጸንሐ ኢገብአ ምን ገብእ፡ ሐል ዳይም ለልአመጽእ ኢኮን። እግል መርሀዮ እሊ መሐገዝ እሊ ለባሌሕ እብ ደረጀት ወጠን ስታት ዋዴሕ እግል ለሀሌ እግልናቡ። ዓመተን እብ መቶራት ሌጠ ለልርሄ መሕገዝ ከሀረበት አለቡ። ለሀላ እግልን መናጥቅ ሰናዕት ወሐርሰ እግል ንፈርጉ ብነ። ከርከበት ወባካተ፡ ትሰነይ፡ ዐሊ-ግድር ወአስክ እም-ሐጅር ለሀላ ባካት ሚ ለትመሰል ሐለት ከሀረበት ተአትሐዝዩ፤ ባርንቶ ወባካተ ሚ ጅንሰ ከሀረበት ተአትሐዝዩን፡ ዲብ ዐሰብ ወባካተ ሚ ቅያሰ ከሀረበት ለአትሐዜ፡ ምኑመ ምን ባካት ገልዑሎ አስክ ባዴዕ ትበጹሕ እግል ተሀሌ ለበ ሐለት ከሀረበት ከአፎተ፤ እት ምግብ ከበሳታት እት ቀበትለ ሰለሰ መንጠቀት መካሪት ጅግራፍየት ወለገብእ ዲብ መሻሬዕ ዐማር፡ ቅብለት ወግብለት አቃሊም በሐር ቀዩሕ ክም ዎሮ አቅሊም፡ ምን ምግብ አስክ ቅብለት ወዐንሰበ ለሀላ መናጥቅ፡ ጋሽ-በርክ አርወሐቱ ለቀድረ ወገሌ ባካት አቅሊም ዐንሰበ ለከምክም ባካት፡ ሚ ከደማት ከሀረበት ረክብ ሀላ ወእግል መስተቅበል ሚ ለትመሰል ቅወት ከሀረበት እግል ትትዳሌ እግሉ፡ እሰልፍ ለበራምጅ እሰትራተጅየት ዐማር እንዴ ትፈናተ ወትፈረገ፡ እሊ እንገይሰ እብ ለሀሌን በሰር ቅወት ከሀረበት ከሳሩ ብዝሕት ወሐል ለኢለአምጽእ ሰበት ገብእ፡ ለሐሰት ወእት ኩሉ ለትበጹሕ ጣቀት ከሀረበት እግል ተሀሌ እግልናቡ።

አግቡይ መዋሰላትም እት ክምሰሌሁ። ምን አቅሊም ዲብ አቅሊም፣ ምን መዲነት ዲብ መዲነት ምን መሸርዕ ዲብ መሸርዕ ወእምበሌሁ ለገብአ ልግበእ ሸቅል እግል ንሸቁ ለይእንቀድር። ጣፌሕ ወእት ኩሉ ለበጹሕ አግቡይ መዋሰላት አሀምየት ዐባይ ቡ። አግቡይ መካይን ሌጠ እንዴ ኢገብእ፣ ስከት-ባቡርመ እግል ተሀሌቡ። ከእብ ዓ'መት ብንየት ትሕትየት፣ ማይ ወከሀረበት ምስል እንዴ ከምከምን ዲብ ሐቲ ደረጃት እንረትቦም ወእብ ወቅት ፈዓልየቶም እንዴ ከምከም ነሄርር ጸንሐነ። ዲብ ከደማት ብዕድ እንዴ ኢነኦቲ፣ እብ ፍንቲይ ዲብ ከሀረበት ወማይ ለሀለ ሸቅል ምን ቅያስ ወለዐል ፋዬሕ ወድቁብቲ። ከለ ዲብ ሐልፈት መናሰበት ዒድ ሕርየት ለትሸርሐ አስክ 12 ንቃጥ ለበጹሕ ሰታት መሻፊዕ ዐማር ወከደማት እጅትማዕየት፣ ሚ እግል ንሸቁ ክም እንቀድር ምን ሰነት እት ሰነት እንዴ ልትወደሕ ወዲብ ፈዓልየቲ እት እንከድም እንገይስ ህሌነ።

**ሰኣል = ምን እብ ሕኩመት ለትነሰአ ዎሮ አትሓያስ ማህየት ሸቃለ ሕኩመት ቲ። ለበርናምጅ እብ ምልሃዩ እብ መራሕል እት ፍዕል ልውዕል ጸንሐ። ዲብ ራብዓይ ሳምን ናይ 2020መ ናይለ ተርፈው ሸቃለ ማህየት ዲብ 1800 ወቅልት ህሌት። ናይለ ታርፋም ለሀለው ሐዳም ማህየት ህዩ ምዶል እግል ትትሓየስ ቲ?**

ርእሰ = እሊ ሰኣል እሊ ቀደም እላመ ባልስ እቲ ዐልኮ መሰለኒ፣ ላኪን ፈሀምን እትሰ ቅድየት እለ እግል ልዕቤ ቡ። አነ 1,800 ማህየት ትገብእ እት ህሌት እብ ፋዬሕ እግል ንርእየ ብነ። 1,800 እምብል ዲብ ህሌነ ክምሰል መበገስ እንዴ ትነፈዐነ እቡ፣ ሚ እግል ተአምጽእ ትቀድር። 1,800 ዕልብ ሌጠ እግል ትግበእ አለቡ። እብለ ማህየት እለ ሚ እግል ትዛቤ ትቀድር? እለ ማህየት እለ ነቅፈ ሐለት ሐቆ ኢረክበት፣ ምን ዕልብ እንዴ ሐልፈት ለተአፈይደ ፋእደት አለቡ። እለ ግሩሽ እለ ሚ እግል ትርበሕ እበ ወሚ እግል ትዛቤ እበ ትቀድር ልብ እግል ንክሬ እሉ ብነ። እለ ማህየት እለ ዎሮ ነፈር ልባሱ፣ መሳሪፋ፣ ነውሉ ወናይ ቤት መሓግዙ፣ ከሀረበት ልግበእ ወማይ ተአ'ታምም እሉ እምቤ ምንገብእ፣ ኢተአተምም እሉ። ለዲብ ሱግ ህሌት ብዳዐት ምስለ ጋብአት ለህሌት ማህየት እግል ትሳዌ ቡ። ናይ ነቅፈ ዐውል ምስል ናይ ሰርፍ ካርጅ ዐውል ሐቆ ሐግለት፣ 1,800 ሐቲ ፋእደት አለቡ።

1,800 ክምሰል መበገስ እንዴ ነስአነ ሸቃለ ሕኩመት ምን እለ ማህየት እለ ሚ መስለሐት እግል ልርከዐ ቀድሮ? እሊ ህዩ፣ ዲብ ደንገበ ዲብ ሚዛንየት ሕኩመት ሰበት ልተንኩብ ወሚዛንየት ሕኩመት ኖስ እትሊ ወቅት እሊ ገበየ ጸብጠት ህሌት ሚ ኢፋል እምቤ ምንገብእ፣ ክሉ ረአሱ እግል ትትሃጌ እበ ኢትቀድር። እትለፈናተ አግቡይ ሸቅል መካትብ ረኤነ ምንገብእ፣ የም አለቡ ተብዘር ህለ። መካትብ እግል ለትፈናተ አቅራድ ብትሮል መካይን፣ ናይ መካትብ መሻቀዩ ወብዕድ እንዴ ትበሀለ ለበዴ ማል ሐድ ኢኮን፣ እሊ እንዴ ትበተክ ዲብ ማህየት ሸቃለ እግል ልውዕል ቡ። እለ 1,800 ትትበሀል ለህሌት ህዩ ዲብ ክሉ እብ ፍዕል እግል ተተርጀም ቡ።

ጌማም ናይ እሊ ህዩ፣ እብ ዕሙም እንዴ ኢገብእ፣ ነፈር እብ ነፈር፣ እግል ልግበእ ቡ። እግልሚ፣ ዎሮ እለ ማህየት እለ ነስእ ዲብ ህለ ምን ዓይለቲ ወአዳሙ እንዴ ትፈንተ ወትከረመ ኢኮን

ለነብር። ምስል አዳሙ እብ ከአፎ ነብር እብ እግል ለአምር ወልሐሰብ ቡ። ብዕዳም ምን ሰጅል ሕኩሙት በረ ለህለው ህዩ እብ ከአፎ ገይሶ ህለው? ብዕድ ለናይ ትጃረት ሄራር ከፎ ህለ። ለለአቴ ወፈግር በዳዩዕ እብ ዓመት እግል ልትረኤ ቡ። እለ ጋብአት ለህሌት 1,800 እግል ንጌምመ ብነ። ወምን ሰነት እት ሰነት እግል ትትሓየሰ ቡ። እለ ህዩ ምስለ ዲብ ዐድ ለህለ እቅትሳድ ልግበእ ወማልያይት ዐቦት እግል ትትረኤ ለባ ተ። ማዛንዮት ሐደት እትነ ከእግል ነትመቃርሐ ኢቀደርነ ለልትበህል እግል ልትረኤ ቡ። ድራርነ ክም ረኩብነ። ምን ፈጡር ወጸቤሕ እግል ንእዘም ለእንቀድር እቱ በክት ህለ ምንገብእ ወአሰልፍ ክል ማዛንዮት እግል ንቀርር ገብአነ ምንገብእ። አሰልፍ እት ረአሰ ማህዮት ናይ ሸቃለ እግል ትትቀረር ሰበት ቡ። እለ ሐቴ ዶል ለትቀረረት ማህዮት ህዩ ዳይመት አው ሳብተት እንዴ ኢትገብእ ሰነት አሰር ሰነት እግል ትትሓየሰ ወትሰኔ ቡ።

ብዕድ ምሮ በዐል ማህዮት። ምነ ነሰእ ማህዮት እግል ልወፍር ቡ። እግል ነብረ ወልባሴ ክራይ ቤት ወብዕድ እንዴ ደፍዐ ምነ። እግል ሓራቴ ክረይ እግል ለህሌ እሉ ወጅብ። እለ ማህዮት እለ ዲመ ክመ ህሌተ ለትነብር ሰበት ኢኮን ህዩ። ምስለ ህለ ቴለል ከፎ ልትነፈዕ ወወፍር ምነ እግል ልሕሰብ ቡ። ማህዮቱ ዲበ አካነ ለትነብር ሰበት ኢኮን ምን ወክድ ዲብ ወክድ ዲብ ዘይድ እግል ቲጊስ ሰበት ትቀድር። ምስለ ዐቦት ማህዮት። መናበረቱመ እት ሰኔ እግል ቲጊስ ክምስል ትቀድር እንዴ ፈሀመ እግል ሊጊስ ቡ። እለ ጋብአት ለህሌት 1,800 ሰሩ ረክበ ወሰሩመ ለሐግለ እግል ልትበህል አለቡ። እሊ ዲብ ዐዳገ ለህለ ቅያሰ ለአለቡ ቀለ እግል ኖሱ እግለ ጋብአት ለህሌት ማህዮት መንፈዐት ክምስል ኢትወዴ እግል ሊደዮ ሰበት ቀድር። ውዛረት ትጃረት ወሰናዐት ወብዕዳም ጀሃት መራቀበት እግል ሊደው ለአሰትህል። ኢከፊ እሎም ገብአ ምንገብእ። ለናይ ግረ ኢትህዮቡም ክምስል ልትህዮቡም ገብእ። እሊ ቀሊልቱ። እሊ ህዩ 1,800 እግል ትግበእ እሎም ለዐለ እለ ሐቆመ ኢትህዮቡም። ምነ እሊ ቀራር እሊ ዲብ ፍዕል ለወዐለ እተ ኢነት እንዴ ትክእለት ትትህዮቡም። ምሸክለት አለቡ።

**ሰአል = ሓይሰ ርኢስ ዲብ ደንገበ ምስል እሊ ለህለ ናይ ከርነ ሻይረስ ወሓለት እዲነ እንዴ አትጸበጥክ ዲብ እለ አትያመ ለህሌነ ሰነት 2021 እት ቀደም ለህለ ተሐድያት ወአብካት ሚ መሰል?**

ርኢስ = አነ አዜ ለኢተሃንነ እቡ ወራታት ዐማር ልግበእ ወአምን ኢህለ። ለኢትናወልናሁ ምን ለህሌ ህዩ። ክልክ ትበገሰ። ጡብጡብ ወመህርትክ ሰደድ እብል። ናይ ሕኩሙት አቅላም ለወድዩ እግል ሊዴ ቀድር። ናይ ኮቪድ ዲቡ መጽአነ ምንገብእ። እሊ ወቀይ እሊ ናይ ውዛረት ዓፍዮት ወብዕዳም እግል ሊደው ቀድር ገበኤ ላኪን ዲብ ደንገበ ክሉ ለሸዐብ እግል ልትበገስ እቱ ወጅብ። ሰበት እሊ። እት ክል መጃል እግል ኒደዮ ብነ ለእምብል ክሉ እንዴ ፈሀመ እብ ሕበር እግል ልትከሰእ እቱ ለአሰትህል። ወለ እሊ ናይ አምን ወመንገፎ ንትሃጌ እቡ ለዐልነ ክሉ እግል ንዳሌ እሉ ብነ። ለቀድዮት ናይ ክራም ወያኔ ኢኮን። ሕነ 80 ሰነት እብ ሰላም ለእለ ረኩብነ እት እንበልዕ እግል ኒጊስ ወኢሔሌነ ዐለ። እግልነ ለልትዐዳዌ። እግል ልክረመነ ለጀርብ ጸብኢታት ሰበት ህለ ላኪን። ሕነ እብ ክለ ሒለትነ። ዲብ ክሉ መጃላት። ሰያሰት ልግበእ። ዲፕሎማሰዮት ወእዕላም እግል

ንትባገስ ወእግል ነአውቄ ብነ። ሸቡ ዲብ ክሉ መሻረኩት እግል ተሀሌ እሉ ህዩ። ዲብ ክሉ መጃላት እብ ሕበር እግል ልትባገስ ወልሻርክ ቡ።